

Sentencia caso New York: Hues a declara periodistanan culpabel di violacion di secrecia oficial y soborno



Pagina 3

- **Informador LaSorte ta conclui prome reunionnan cu tur partido cu a saca asiento den eleccion**

Pagina 2

- **Aruba ta prome pais Caribense cu ta lansa proyecto innovativo di Wikimedia enfoca riba patrimonio cultural**

Pagina 6

- **Turista ta fayece banda di pier di strandpolitie despues di enfrenta problema den awa**


Pagina 4

Segun prome minister demisionario presupuesto complementario 2024 no ta contra LAft bieu ni contra esun nobo



Pagina 4

Aruba ta bolbe renoba prohibicion di trafico aereo cu Venezuela



Pagina 6

Ministerio di Enseñansa ta bisa cu scarsedad di maestro lo sigui pa proximo dies aña



Pagina 9



Ayera, lider di partido Futuro, Gerlien Croes y lider di partido PPA, Otmar Oduber a tene reunion cu informador Tisa LaSorte pa sondea e posibilidadnan pa forma un coalicion pa gobierno. Cu esaki, e prome ronda di reunion cu informador a keda completa.

Segun portal noticiero NoticiaCla a informa, na salida di su reunion, Croes a indica cu ta bay inicia combersacion cu tur partido cu a saca asiento den ultimo eleccion, y cu ta bay cuminsa cu e partido cu a ricibi mas voto, AVP.

Croes a indica cu ta bay cuminsa explora den e parti di con-

Despues di reuni cu Futuro y PPA,

Informador LaSorte ta conclui prome reunionnan cu tur partido cu a saca asiento den eleccion

tenido, hibando combersacion cu e partidonan “y mira con leu nos ta yega.” Croes a enfatisa cu, respetando resultado di eleccion, ta dispuesto pa sinta cu tur partido.

Segun Croes a bisa NoticiaCla, no ta posible pa un di e partidonan no ta compatible cu Futuro – indicando cu tanto MEP como AVP ta compatible. Finalmente, Croes a bisa cu e tin apertura pa e idea di nombra un vak minister den e proximo gabinete.

Di su banda, lider di PPA, Otmar Oduber a bisa NoticiaCla cu “e tabata un reunion hopi interesante.” El a confirma cu enfoka di e combersacionnan ariba e programanan di partido. Pero el a bisa cu pa garantisar estabilidad di gobernacion, lo ta ideal pa inclui su partido, PPA, den e coalicion ademas di e otro dos partido. Segun Oduber, su plan di partido tambe ta alinea cu esun di e otro partidonan

Mirando cu Oduber ta un sospechoso den caso Flamingo, esaki ta nifica cu e no lo por



asumi un funcion di minister den e proximo gobernacion. Sentencia den caso Flamingo ta spera pa dia 22 di januari 2025. Oduber a bisa NoticiaCla cu si PPA drenta den coalicion di gobierno, lo asigna “naturalmente un persona cu sea ta un vak minister of cu ta un persona riba nos lista pa carga e responsabilidad” den e periodo prome cu sentencia den caso Flamingo. Despues di

e sentencia lo por tin un miho bista si Oduber lo asumi un rol como minister of como Parlamentario.

E siguiente paso den e proceso di formacion di coalicion, ta algun reunion y combersacion mas entre e partidonan y e informador, y na final di esaki, informador LaSorte lo traha un rapport pa entrega na Gobernador tocante su hallazgonan.

AVP ta nenga di traha cu MEP: Boluntad di e partido posiciona riba boluntad di pueblo



Comienso di e siman aki, e partidonan cu a logra saca asiento den ultimo eleccion – AVP, MEP, Futuro y PPA – a reuni cu informador Tisa LaSorte pa evalua e posibilidadnan di forma un coalicion. Algo cu a hala hopi atencion tabata e declaracionnan di lider

di AVP, Mike Eman, kende rotundamente a descarta e posibilidad di forma un coalicion cu MEP.

Di su banda, lider di MEP, Evelyn Wever-Croes a indica di ta dispuesto pa traha cu cualkier di e partidonan cu a saca asiento den eleccion. Lider di Futuro,

Gerlien Croes a indica cu lo haci un escogencia basa riba e plan di partido di cada partido.

Eman a bisa cu no ta dispuesto pa traha cu MEP pasobra e direccion den cual MEP kier hiba Aruba ta completamente diferente na e vision di AVP. Sinembargo, algo interesante ta e hecho cu tanto MEP como AVP a bisa cu den nan plan di partido tin hopi en comun cu partido Futuro. E pregunta ta surgi e ora, ki tanto diferencia por tin entre MEP y AVP?

No solamente esey. Boluntad di pueblo, segun expresa den resultadonan di eleccion, ta muestra mas cla cu nunca cu e mayoria di votador na Aruba ta dividi casi mita y mita entre MEP y AVP. Si nos traduci e resultadonan, esaki ta nifica cu mita di e mayoria di votador kier sigui e vision di MEP y e otro mita esun di AVP. E solucion e ora ta pa e dos partido aki sinta hunto representando

cada un su votadornan, y purba di haya un punto medio di acuerdo.

Na momento cu AVP ta dicidi riba su mes cu definitivamente no ta bay sinta cu MEP, e ta privando e otro mita di e mayoria di votador, cu si kier hiba Aruba den e direccion cu MEP a propone, bisando nan practicamente cu nan voz y boluntad no ta importante. Y ningun politico por impone su boluntad riba e libertad di otro persona. Esaki ta principalmente peligroso na momento cu AVP a haya apenas 265 voto mas cu MEP segun resultadonan oficial di Conseho Electoral. Cu esaki por bisa cu mayoria di Aruba no a scoge pa AVP goberna, sino mayoria di Aruba a scoge pa AVP y MEP goberna hunto.

Cu partido AVP ta scoge pa no traha hunto cu partido MEP ta un muestra cu e partido ta pone su boluntad y su escogen-

cia riba e boluntad democratico di pueblo di Aruba. Y esaki no ta prome biaha.

Por recorda na aña 2017 cu resultado di eleccion a duna partido AVP un victoria cu 23,376 voto, hopi mas cu e 17,872 ricibi na 2024. Asina mes, AVP a dicidi cu, ya cu no a logra un mayoria absoluto di 11 asiento pa goberna nan so, no tabata dispuesto pa forma gobierno cu ningun otro partido, lagando MEP (cu 22,061 voto) bay forma un gobierno. Y a pesar cu Eman tabata votegetter e eleccion ey, cu mas di 7mil voto, tampoco el a drenta Parlamento pa representa su votadornan cu a deposita nan confiansa den dje.

Bon Dia Aruba ta haci un yamado na tur politico eligi pa pueblo, pa recorda cu nan rol den nos democracia ta pa representa pueblo di Aruba, y no laga nan boluntad individual of di nan partido triunfa riba e boluntad di e votadornan.

Sentencia caso New York:

Hues a declara periodistanan culpable di violacion di secresia oficial y soborno

Ayera mainta den corte, hues a dicta sentencia den caso New York y a condena cuater periodista local cu ta sospechoso di, entre otro, soborno di agente policial y violacion di secresia. E caso aki ta relaciona na e caso di agente policial R. Vos, ken a keda acusa y sentencia pa su participacion.

E sospechosonan di inicial R.P.L., B.L.R.K., N.E.A.G. y N.M.Q.C.d.A. ta acusa di, for di periodo di prome di januari 2021 te cu 22 di maart 2023, conhuntamente intencionalmente a viola secretonan cual nan tabata sa cu e ambtenaar, relaciona cu su funcion, tabata obliga pa tene. Nan ta acusa di, den e periodo ya menciona, a participa den un organisacion cu tabata consisti di un y/of mas otro persona cu tabatin como meta pa comete crimen, esta, corrupcion di un ambtenaar y/of tuma y/of duna soborno y/of maluso di funcion y/of violacion di secreto di trabao.

Abogado di tres di e sospechosonan, Doris Canwood, a splica den su declaracion na prensa cu di e acusacionnan cu tabatin riba mesa, pa e acusacion di soborno tres di e sospechosonan a ser declara culpabel. Pa loke ta e acusacion di participacion den un organisacion criminal, tur cuater sospechoso a ser declara liber, pasobra corte ta haya cu no tin suficiente prueba cu nan a comete e acto ey. Y pa e acusacion di violacion di secresia oficial di un agente policial, tur cuater a ser declara culpabel.

Corte a determina cu durante un periodo di mas cu dos aña, e periodistanan aki tabatin acceso na e trafico di portofon di Cuerpo Policial di Aruba. Nan a haci e acceso aki posibel hunto cu e agente policial menciona, pa medio di un conexion digital cu nan a crea entre un portofon y e laptop di e periodistanan individual. Debi na e hecho cu hunto cu e agente policial nan a haci e acceso na e trafico di portofon posibel, mescos cu e agente policial aki, nan a viola secresia oficial.

Corte a determina cu den e mesun periodo, tres di e periodistanan a duna regalonan y a haci promesa na e agente policial, pues cu di e manera aki nan a soborn'e.

E informacion policial cu ta distribui pa medio di portofon ta informacion confidencial, cu no ta destina na oyentenan no autorisa. Si e informacion aki yega na personanan robes na e momento robes, ta viola e privacidad di ciudadanonan y esaki por conduci na situacionnan peligroso of no desea. Pa e motibo aki, e informacion aki ta confidencial y disponibel solamente pa agentenan policial.

Abogado Canwood a resalta cu e castigonan cu corte a impone ta hopi menos cu loke fiscal a pidi. Esaki ta pa motibo cu hues a tene cuenta cu e circunstancianan personal y e rol di e diferente sospechosonan.

Den e caso di sospechosonan R.P.L. y N.E.A.G., ambos a haya 240 ora di trabao comunitario y 12 luna di castigo di prizon condicional, cu un periodo di prueba di 3 aña. E abogado a splica cu esaki kermen cu si nan haci nan mes culpabel di algo criminal den e 3 aña aki, nan por haya condena di 12 luna di prizon.

Den caso di e sospechoso B.L.R.K., el a haya castigo di 150 ora di trabao comunitario, tres luna di prizon condicional cu un periodo di prueba di 3 aña tambe. Den caso di B.L.R.K., teniendo cuenta awor e ta residencia na Hulanda, su abogado a splica cu tin dealnan cu Reclassering na Hulanda cu na momento cu e castigo bira incondicional, e ora e por tuma contacto



cu reclassering na Hulanda y e lo cay bao di nan guia.

Sospechoso N.M.Q.C.d.A. a haya e castigo mas pisa di tur. Door cu ta su di dos biaha involvi den un caso similar, el a haya un castigo di 18 luna di prizon di cual 12 ta condicional, locual kermen cu e tin cu sinta minimo seis luna den prizon, mirando cu e sucedido aki a pasa net dos luna prome cu su tempo di prueba relaciona cu e caso anterior a caba.

Abogado Canwood a indica tambe cu e peticion di fis-

cal pa detene N.M.Q.C.d.A. mesora a keda rechasa. Hues a splica cu e motibo pa esaki ta cu nunca antes N.M.Q.C.d.A. tabata deteni y e no ta wak e balor agrega pa detene e sospechoso di biaha, y ademas a tene cuenta tambe cu e cantidad di tempo cu a pasa entre e sucedido y e decision den corte.

Pa loke ta trata posibilidad pa apelacion, e abogado a señala cu e mester papia cu su clientenan prome pa wak si nan ta desea di apela, pues no por a menciona na e momento ey si e sospechosonan

lo bay den apelacion. Pa tanto Ministerio Publico (OM) y e sospechosonan ta conta e periodo di dos siman pa entrega posibel apelacion.

Un di e puntonan cu defensa a presenta ta cu periodistanan tin libertad di recopila noticia, y cu esaki ta inclui e informacion cu e sospechosonan a haya pa medio di e portofon. Hues a splica den su sentencia cu e ta di acuerdo cu e argumento aki y a resalta cu e ta un derecho importante cu mester ser proteha y respeta.

Sin embargo, hues a subraya cu e no ta un derecho sin limite. El a splica cu ta ser limita pa derecho penal y pa normanan di cuido debido. Esaki ta significa cu periodistanan no mag di comete hechonan castigabel pa obtene informacion, y esaki ta precisamente loke a bay fout den e caso aki; e sospechosonan a comete hechonan castigabel pa haya acceso na e informacion confidencial.

Mientras tanto, agente Vos a keda condena dia 8 di december 2023 cu 16 luna di prizon, di cual 8 ta condicional, pa malversacion, violacion di secretonan di trabao, abuso di su funcion y soborno di parti di miembranan di prensa. Ademas el a wordo prohibi di eherce e trabao di polis pa e duracion di 3 aña. Ministerio Publico a bay den apelacion contra e sentencia aki.



Segun prome minister demisionario presupuesto complementario 2024 no ta contra LAft bieu ni contra esun nobo

Durante tratamiento di e presupuesto complementario di 2024 den Parlamento di Aruba, tanto prome minister demisionario, Evelyn Wever-Croes, como minister demisionario di Finanzas, Xiomara Maduro, a remarca cu e presupuesto 2024 ta cumpli cu normanan di LAft y ta riba caminda pa yega na metanan financiero prome cu a stipula.

Minister demisionario di Asuntonan General, Innovacion, Organizacion Gubernamental, Infraestructura y Planificacion Teritorial, Evelyn Wever-Croes a splica den parlamento durante tratamiento di presupuesto complementario cu presupuesto 2024 a ser trata na november y a ser aproba na tempo.

Den luna di mei a presenta e prome cambianan pa e presupuesto y durante aña tabatin mas cambio cu a ta tuma lugha y p'esey parlamento ta trata e cambianan di fin di aña di e presupuesto.

Un punto importante cu e mandatario a subraya ta cu den e presupuesto tin 10 milyon florin adicional cu por ser aloca na e diferente proyectonan di otro ministerio door di e inhaalactie cu a tuma lugha na DIP.

Contestando pregunta di parlamentario Mansur, tocante di e presupuesto complementario no ta contra e LAft, prome minister demisionario a splica cu e no ta contra e LAft bieu ni contra e LAft nobo. El a sigui splica cu LAft tin tres norma, un di e normanan ta cu e presupuesto mester tin un surplus di 1%, cual e presupuesto ta cumpli cune. E otro norma ta cu e debe mester yega 70% na 2031 y 50% na 2040, locual el a indica ta bay yega na dje cinco aña prome cu loke ta stipula, y di tres norma den e LAft ta e norma di gasto di personal cu ta bisa cu pa aña 2027 mester yega 10% di e GDP y actualmente, el a señala, esaki ta menos di 10%.

Pa loke ta trata costonan di ministerio di Asuntonan General, Innovacion, Organizacion Gubernamental, Infraestructura y Planificacion Teritorial e presupuesto complementario ta indica cu parti di e gastonan di preparacion pa e eleccionnan adelanta a ser traspa pa e puntonan relevante. Como cu esaki no ta suficiente, 300 mil

florin a drenta riba e articulo otro gastonan di e centro di gasto otro AZIOIRO. E cobertura ta bini di e agotamento di e post di subsidio di duracion di pensioen.

Pa loke ta e transferencianan, e presupuesto ta indica cu e calculacion pa e parti di pensioen-sparingstoelage ta excesivo y lo ser ahusta cu 300 mil florin menos. E diferencia aki ta ser usa pa cubri e gastonan di preparacion di e eleccionnan.

Relaciona cu e yobidanan fuerte cu a sucede algun tempo atras loke a trece consecucionan pa e infraestructura di careteranan, DOW a usa gastonan di emergencia necesario pa tuma medidanan pa preveni y limita daño cu ta un resultado directo y inmediato di e awasero pisa prome cu e tratamiento di e dos presupuesto complementario pa 2024.

Esaki, consecuentemente a retrasa e calculacion pa e plan di mantencion di caminda di varios aña. Esaki, e presupuesto ta indica, e calculacion pa e plan di mantencion di carretera di varios aña mester ser ahusta cu 2.530.00 florin menos y e suministro di coriente pa DOW ta ser recarga de bes en cuando. Como resultado, e presupuesto di DOW lo ser aumenta cu e mesun suma pa cubri e gastonan di emergencia ya adelanta pa infraestructura di carretera.

E presupuesto tambe ta señala cu a base di cifranan di realizacion preliminar pa 2024, e calculacion di Leaseholds di DIP ta ser ahusta cu un aumento cu di 4.5 milyon florin.

Minister demisionario di Finanzas y Cultura, Xiomara Maduro a splica den Parlamento di Aruba cu e cambianan aki y documentacion cu ta compaña a cambianan aki ta brinda parlamento un bista den cambianan di maneho y con esaki ta afecta presupuesto di pais Aruba. El indica cu e ta duna bista tambe di locual ta e resultado financiero den e aña coriente y a subraya cu e cambianan aki no ta afecta e saldo y e presupuesto ta keda den e surplus.

Minister Maduro a sigui splica cu den e segundo cambio di presupuesto ta aloca tur locual ta riba 1% di e surplus, cual ta un di e normanan di supervision financiero cu mester a tene na dje. Den e cambianan aki ta aloca e extra fondo cual ta 92.5 milyon florin. Esaki ta duna un espacio di 46.5 milyon cu por bay pa reduci debe di Aruba.

E mandatario a indica cu aña aki gobierno di Aruba a paga 120 milyon florin na debe di pais Aruba, cual ta contribui na un reduccion di 600 milyon florin cu a ser paga.

Parti di e surplus ta bay tambe na extra inversion dunando un

suma total 69 milyon cu por bay na inversionnan necesario pa pais Aruba.

Pa loke ta e costonan di ministerio di Finanzas y Cultura, e presupuesto ta splica cu pa bienes y servicio e calculacion di e cobransanan di banco ta excesivo y mester ser ahusta cu 450 mil florin menos. E diferencia, a sigui splica, lo ser usa pa renobacion di edificio di teatro Cas di Cultura (subsidio).

E parti di subsidio di proyecto bao di Directie Cultuur lo ser aumenta cu 450 mil florin suplementa pa renobacion di e edificio di Cas di Cultura. E cobertura ta bini di e agotamento di gastonan di banco.

Pa loke ta trata recursonan, e presupuesto ta indica, relacion cu impuestonan directo, cu mirando e tendencia actual di realizacion observa, e calculacion di e recursonan aki ta subi cu 20.7 milyon florin mas. Den e caso di impuestonan indirecto, ta sigui splica cu mirando e tendencia actual di realizacion observa, e calculacion di e recursonan aki ta subi cu 20.2 milyon florin mas.

Pa derecho-, boetnan y otro, e presupuesto ta señala cu mirando e tendencia actual di realizacion observa, e calculacion di e recursonan aki ta subi cu 2.0 milyon florin mas.

Den e caso di entradanan no-

impuesto, mirando e tendencia actual di realizacion observa, e calculacion di e recursonan aki ta baha cu 1.0 milyon florin. Y pa loke ta trata otro recibonan, mirando e tendencia actual di realizacion observa, e calculacion di e recursonan aki ta subi cu 60 milyon florin.

Pa loke ta trata ministerio di Husticia y Asuntonan Social, e presupuesto ta splica cu costonan di bienes y servicio, en conexion cu e proyecto di e Landspakket "Subversion administrativo", ta inclui 263,500 florin. Parti di e calculacion di 123.300 florin di e item Mantencion di Edificio bao di Directie Social Zaken ta ser hala pa inversionnan na beneficio di e gastonan adicional di e renobacion di e edificio di Departamento di Asuntonan Social fase 3.

Den e caso di recursonan, entradanan no-impuesto, e presupuesto ta indica cu e fondonan ricibi caba cu ta suma 263.500 florin pa e proyecto di e Pakete Nacional "Subversion (administrativo)" ainda ta ser calcula.

Por ultimo, en conexion cu e gastonan adicional di e renobacion di e edificio di Departamento di Asuntonan Social fase 3, a agrega recursonan di 123.300 florin cu a ser transferi for di e articulo di Mantencion di Edificio bou di e Directie di Sociale Zaken.

Turista ta fayece banda di pier di strandpolitie despues di enfrenta problema den awa



Un turista masculino cu a bay lama cu su famia a enfrenta problemanan den awa cu lamentablemente a resulta den su fayecimento.

Ayera atardi, banda pabao di e hotel Riu y cerca di e pier di strandpolitie, un turista masculino a enfrenta algun problema den awa y ta aparenta cu el a hoga. E personanan cu tabata presente a saca e turista for di e awa y a cuminsa cu intentonan di reanimacion despues di a pone riba e pier.

Na momento cu a notifica autoridadnan, tanto polis como ambulance a dirigi nan mes na e sitio cu urgencia. Mirando cu no tabatin otro opcion, un boto di un compania di deporte den awa a brinda su ayudo y a trece e curpa na tera pa asina e paramediconan por sigui cu e reanimacion y duna auxilio. A sigui cu e intentonan di reanimacion, sinembargo lamentablemente no a haya un pulso mas.

Dokter a presenta na e sitio pa asina por constata e fayecimento, como tambe slachtofferhulp pa por duna e familiarnan cu a presencia e momentonan doloroso tur sosten posibel.

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figuereo (closer editor)
Leo Maduro

Raisa Montilla

Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key


Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.



Editorial

E cosnan cu no ta... *Aparece den negociacion...*

Aruba, fin di 2024, rumbo pa 2025 y despues. Rumbo pa 1,5 miyon bishitante cu ta keda un siman, rumbo pa 100.000 vehiculo priva riba caminda, rumbo pa 140.000 habitante, rumbo pa fila riba cada rotonde na cualkier ora...?

Mientras e principal partidonan politico ta delibera cu otro pa percura cu nos pais tin un gobierno pa e proximo 4 aña, tin varios pregunta cu ta yega hopi mas leu cu loke nos por deduci cu nan ta delibera, tirando un mirada riba e plannan di gobernacion di e diferente partidonan. Riba su mes, esey no ta nada straño pasobra e plannan ta indica solamente un resumen di loke nan ta propone. Pero nos no mester warda te dia nan presenta mas detaye pa mira si en berdad nan ta propone solucion sensato; nos mes por analiza awor caba.

E preocupacionnan presenta na inicio di e Editorial aki, ta encera djis un parti di e asuntonan cu nos mester atende den e proximo tempo. E preocupacionnan aki no ta tema reciente, por ehemplo ta 20 aña pasa cu a lanza e proyecto di 'Carrying Capacity', cu lamentablemente a keda benta un banda pa e gobernantenan irresponsable cu tin mas di 20 aña ta ignora tur advertencia di experto, y a cera nan culpa paden cu nan 'personanan di confianza', pa crea un Aruba cu nos no a pidi, pero nan si tabata desea, pasobra esey tabata y ta ainda, e modelo politico pa gana placa. Y e afan politico aki, cu ta grandemente presente ainda, a hiba nos na ignora e hechonan mas visible di nos existencia. Por ehemplo, cu nos ta den e categoria di isla chikito den Caribe, cu 70 km di costa y 180 km cuadra, pero den turismo ta den e categoria di e islanan grandi cu ta ricibi miyones di bishitante pa aña... Republica Dominicana ta haya mas di 6 miyon turista stayover, pero tin 11 miyon habitante, mas di 48.000 km cuadra y 1600 km di costa... Nan tin sin embargo apenas 4 biaha mas bishitante cu nos.

Ta straño anto cu nos tin cierto problema cu ta exige solucion pronto, y cu nos no ta mira den ningun programa politico? Por ehemplo; nos no ta mira e problemanan den trafico, cu a aumenta drasticamente den ultimo añanan, cu un crecimiento te 90.000 auto priva? Kico lo mester ta e pensamiento sano cu nos mester por spera di cualkier politico cu a yega di tende di e palabra 'planificacion'? Cu lo mester bin un solucion, no pa mehora sino 're-inventa' transporte publico, pa por bira un alternativa real pa e transporte individual, cu den e forma actual no por sigui crece.

Si bo tin 100.000 vehiculo priva, bo tin un fila

stanca di 500 km, si pone e autonan contra otro sin espacio meymey... Esey ta loke nos ta desea? Talvez no, pero si no ta bin ningun otro plan, ta esey lo ta e futuro. E alternativa: cumpra un 'cross-bike' pa bo por pasa riba acera sigui bo caminda, mientras otronan ta sinta den nan auto den fila, cu e speranza cu e airconditioning ta traha bon? Esey por, pero e ta bo solucion individual; unda esun colectivo ta keda, pa cual lo paga un salario ministerial?

Te awor nos mester constata cu transporte publico ta den un situacion patetico, cu un compania moribundo si no tabata pa subsidio gubernamental, cu ta core rond gran parti di dia cu bus grandi bashi, pero cu al contrario den e oranan di mas necesidad, mainta y atardi, no tin suficiente capacidad. Tira tur e problemanan aki riba 'management deficiente' ta un forma masha barata pa deshaci di e problema, esey no ta e solucion y ademá no ta loke nos mester haci, cu vista pa futuro.

Nos no mester mira transporte publico solamente for di e punto di vista di reemplaza transporte individual. Den e añanan venidero, nos lo importa miles di trahador cu den gran mayoria lo haya e salarionan mas humilde, es decir hende cu poco posibilidad di cumpra y mantene un auto. Nos ta keda mantene e mentalidad di 'sálvese quien pueda' cu ta reina te awor, of nos ta cuminsa pensa riba transporte publico bon, manehable, y pagable pa e gran mayoria cu apenas ta sobrevivir den e situacion actual? Den un anterior Editorial nos a yega di sugeri pa considera transporte publico gratis o casi gratis, na lugar di keda aumenta salario minimo, cu ta crea mas inflacion, loke no ta yuda esnan cu e ingreso mas modesto, pasobra ta nan ta sufri e consecuencianan di aumento di prijs, sigur pasobra nan necesariamente mester dedica un parti grandi di nan salario na cuminda y otro necesidad basico.

Un aspecto ironico di e asunto aki ta cu net aki, unda mester opone e conchonan Hulandes, cu 'transporte publico mester ta rentable riba su mes' ta algo cu ta aplicable na nan pais, den nan realidad. Nos ta biba otro realidad, cu un poblacion di mas di 100.000 plama riba 100 km2, cu na Hulanda ta biba den un ciudad di 25 km2. Bo no por organiza infraestructura, y sigur no transporte publico, di mesun manera cu nan ta hacie. Pakico ora ta trata di otro asunto, e gatitonan gubernamental ta bira de repente 'leon' riba Hulanda, pero ora cu nan razon lo mester mustra 'orguyo Arubano', nan falta tanto e conocimiento como e curashi pa 'think outside the box', loke nos mester pa cuminsa defini e futuro cu Aruba realmente merece. Apenas un di e tanto problemanan no atendi...

Aruba ta prome pais Caribense cu ta lansa proyecto innovativo di Wikimedia enfoca riba patrimonio cultural

Stichting Monumentenfonds Aruba, Biblioteca Nacional Aruba, Archivo Nacional Aruba, UNOCA, y Wikimedia Nederland ta anuncia cu orguyo e comienso di e proyecto “Wikipedia on Aruba | Aruba on Wikipedia”. E iniciativa innovativo aki lo duna un boost na e contenido tocante herencia y cultura Arubano riba Wikipedia y otro plataforma di Wikimedia, cu ta habri e porta pa un publico global por haya acceso na e historia rico di e isla.



E proyecto lo inicia na januari y lo tin un duracion di 18 luna. E iniciativa lo fortifica e participacion di organizacion, maestro y miembran di comunidad Arubano na e plataforma di Wikimedia, manera e famoso enciclopedia Wikipedia, e biblioteca di media Wikimedia Commons y e database Wikidata. Esaki lo promove mas conscientisacion y aprecio pa e identidad cultural unico di Aruba.

E proyecto a ser desaroya door di Wikimedia Nederland den colaboracion cu e partnernan di Aruba y a bira posibel danki na e sosten financiero di Fonds Cultuurparticipatie.

Nombramiento importante: Wiki-

median in Residence & Coordinador di Proyecto – Outreach & Organizacion

Dos profesional Arubano, hoben y cu hopi entusiasmo lo ta encarga pa mancha e proyecto aki:

Wikimedian in Residence (WiR): E WiR, Jeanelij Quandt, lo lidera e proyecto, controla e ehecucion di esaki, mancha e partnership cu organizacionnan di patrimonio y promove participacion di comunidad.

Tambe lo duna entrenamiento practico y yuda e participantenan pa crea contenido pa Wikipedia, manera articulo, potret y dato relaciona cu historia y cultura di Aruba. Esaki ta prome biaha cu tin un persona apunta como

Wikimedian in Residence den Caribe.

Coordinador di Proyecto – Outreach y Organizacion: E coordinador di proyecto, Ricardo Arends, lo asisti e WiR ku plan di logistica, campananan di alcance y coordinacion di eventonan. E lo hunga un rol importante den envolve institucionnan Arubano, boluntarionan y e comunidad, sigurando e ehecucion di tayernan, edit-a-thons, y actividadnan promocional.

Puntonan di programa:

E proyecto ta conta cu un serie di actividadnan cu ta inclui:

Tayernan di entrenamiento: Educa boluntarionan local, studiantenan y institutonan cultural riba edicion di Wikipedia y creacion di contenido y con pa comparti imagen y dato.

Retonan pa comunidad: Inspira contribucion creativo pa medio di concursanan di fotografia edit-a-thons cu enfoca riba skirbimento na Papiamento.

Campañanan di herencia: Organisa participacion di Aruba den campananan global di Wikimedia manera competencia di fotografia di Wiki Loves Monuments.

Donacion di contenido y desaroyo: Mehora e Wikipedia na Papiamento

y enrikece Wikimedia Commons cu material autentico di Aruba.

Impacto spera:

E iniciativa kier logra varios meta a largo plaso:

Un presencia digital multilingual internacional mas fuerte pa herencia cultural di Aruba.

Mas participacion di comunidad den conserva y comparti historia local riba Wikipedia.

Mehora colaboracion entre rednan di conocimiento local y internacional.

Oportunidadnan nobo pa reinterpretacion creativo di fuentenan cultural, manera exposicionnan y appnan.

Join e trayecto:

E proyecto “Wikipedia on Aruba | Aruba on Wikipedia” ta invita tur Arubiano, biba na Aruba of den exterior, pa aporta na e iniciativa emocionante aki. Sea bo ta un estudiante, un profesional of un entusiasta di historia, tin diferente manera pa bo por participa. Hunto, ban pone Aruba riba mapa – e mapa digital di conocimiento habri! Den e di dos siman di februari lo organisa un evento di kick off inspirador pa e proyecto. Pa pre-registracion, por wak e formulario riba e website di e proyecto: https://meta.wikimedia.org/wiki/Wikipedia_on_Aruba.

Aruba ta bolbe renoba prohibicion di trafico aereo cu Venezuela *Frontera aereo ta keda cera te maart 2025*

Autoridadnan di aviacion di Aruba a extende cu tres luna mas e prohibicion di vuelo comercial di pasahero, carga y aviacion general for di y pa Venezuela.

E NOTAM publica riba rednan social pa varios abogado specialisa den e sector di aviacion ta resalta den e frontera aereo ta bay keda cera te cu dia 16 di maart 2025. Esaki segun e notificacion A0770/24 emiti pa Aeropuerto Internacional Reina Beatrix.

Na Venezuela, e noticia a hala atencion. Por ehemplo, portal talcualdigital a bisa cu “tabata spera cu e reinicio di vuelo entre Aruba y Venezuela lo bira efectivo

despues di declaracionnan di prome minister di Aruba, Evelyn Wever-Croes, den cual el a afirma cu tabata ‘finalizando e tramitenan pa reapertura di e frontera. Awo nos ta bay inicia negociacion cu autoridadnan Venezolano. Ya aduana, inmigracion y aviacion civil di Venezuela y Aruba ta den contacto. Esaki ta algo cu por concreta pronto. Nunca antes nos tabata mesun cerca cu awo.’ Sinembargo,” e portal ta nota, “dia 22 di januari ultimo, e mesun prome minister Evelyn Wever-Croes a plantea e posibilidad di un apertura den prome trimestre di aña, sigurando cu tabata haciendo e dialogonan necesario” pa concreta e plan aki.



Yamado urgente na biaheronan cu boetnan pendiente



Grenspolitie riba peticion di Ministerio Publico, ta bay sigui para biaheronan cu debe di boet durante e periodo di vakantie cu ta nos dilanti. Personanan cu debe boet ta core riesgo di wordo deteni dor di Grenspolitie y di lo no por sigui cu nan biahe te cu nan cumpli cu pagonan di nan multa(nan).

Esaki por tin, entre otro, como consecuencia cu hende

ta perde avion. Si resulta cu un persona no por (o no kier) paga e boet, CEA lo traslada e persona aki pa KIA pa e cumpli cu su detencion. Pa cu e meta aki KIA a prepara caba celnan tanto pa hende homber como hende muher.

Ministerio Publico ta haci un yamado urgente na tur hende, specialmente na biaheronan, cu tin debe di boet pa paga esaki mas liher posible. Por paga online via cuenta

bancario 4000905 di Aruba-Bank, bao mencion di e parcknummer (cu ta cuminsa cu un P).

Tambe bo persona por paga na caha di Ministerio Publico despues di haci un afspraak via e website (www.omaruba.com). Si bo tin algun pregunta tocante bo boet, por manda esaki pa info@omaruba.aw. Bo por haci uso alabes di e formulario di contacto riba e website pa haci pregunta.

Medicina preventivo contra HIV por alcanza paisnan mas pover pa 2025, segun oficial

(Reuters)—Un medicina preventivo contra HIV por alcanza e paisnan mas pover na mundo pa fin di 2025 of comienso di 2026, segun un oficial di salud global a conta Reuters diamars.

E ambicion ta pa cuminsa cu suministracion di Gilead Sciences (GILD.O), y habri e suministracion di lenacapavir durante e periodo ey, segun Hui Yang, hefe di operacionnan di suministracion na e Global Fund to Fight AIDS, Tuberculosis and Malaria. Sinembargo, el a bisa cu hopi cos tin cu pasa prome, incluyendo e aprobacion regulatorio di autoridadnan manera e FDA na Merca y OMS pa e inyeccion di e medicina. Lenacapavir ya a ser aproba pa



usa como tratamiento pa HIV, costando rond di 42,250 dolar pa e prome aña di terapia na Merca. Pruebanan clinico e aña aki a muestra cu e ta hopi efectivo tambe pa preveni infeccion y Gilead ta buscando aprobacion pa e uso nobo glo-

balmente.

“Nos no kier...paisnan pover warda, pa para patras den rij,” ora e aprobacionnan aki dreña, segun Yang, un problema di igualdad cu a plaga e lucha contra HIV pa decadas.

Pa preveni esaki, e Global Fund a bisa diamars cu e lo e lo uni forsa cu e United States President’s Emergency Plan for AIDS Relief (PEPFAR), cu fondo for di e Children’s Investment Fund Foundation y e Bill and Melinda Gates Foundation, pa sostene acceso pagable na e medicina costoso den paisnan cu nan ta traha cune “desde comienso.” E gruponan no a duna mas detaye tocante con esaki por funciona, cu e excepcion cu nan tin e meta pa alcanza al menos dos miyon hende den

e periodo di tres aña.

Gilead a firma tratonan na october cu seis fabricante di medicina generico pa produci y vende lenacapavir mas barata den 120 paisnan pover. E movida aki a ser critica pa laga algun pais afo, specialmente den Latino America. No a firma ningun trato cu Gilead of cualkier otro productor generico, Yang a bisa, pero nan lo traha cu tur compania envolvi. Gilead Sciences no a responde ainda na un peticion pa comentario.

Ministerio di Salud di Congo ta confirma cu e malesa misterioso ta un forma “severo” di malaria



TheGuardian)—Un malesa misterioso circulando den e Republica Democratico di Condo ta un forma severo di malaria, segun e ministerio di Salud di e pais a confirma.

Na comienso di luna, autoridadnan local a bisa cu e malesa a resulta den 143 morto den e provincia Kwango den november. E sintomanan di e malesa ta inclui keintura, dolor di cabes, tosamento, verkouden y dolor di curpa.

“E misterio porfin a ser resolvi. Aki ta trata di un caso severo di malaria den e forma di un malesa respiratorio,” e ministerio di Salud a bisa den un declaracion diamars, agregando cu desnutricion den e area a debilita e poblacion local, lagando mas vulnerable pa e malesa. E declaracion a bisa cu 592 caso a ser reporta desde october, cu un grado di fatalidad di 6.2%. reportahenan di un malesa misterioso a bati alarma, y a causa e Organisacion Mundial di Salud pa manda un equipo di investigador na e parti solitario di Congo. Sinembargo, oficialnan

a enfatisa cu tabatin nivelnan halto di inseguridad alimentario y desnutricion den e area cu probablemente a accelera e efecto di e malesanan conoci caba, incluyendo malaria. OMS tambe a nota e “cobertura abao di vacunacion y acceso limite na diagnostica y maneho di calidad pa cada caso.

Malaria ainda ta mata 600,000 hende globalmente tur aña, y 12% di e mortonan ey ta sucede na Congo. E minister di Salud Provincial, Apollinaire Yumba. A conta Reuters cu medicina anti-malaria provee pa OMS ta actualmente den distribucion den e hospital principal y centronan di salud den e zona di salud Panzi.

Un vocero pa OMS a bisa cu pronto lo yega mas kitnan di salud pa casonan modera y critica. E director-general di OMS, Tedros Adhanom Gebreyesus, a bisa siman pasa cu 10 muestra anterior for di pashentnan na Congo sufriendo for di e malesa misterioso a test positivo pa malaria, pero cu e no a descarta e posibilidad cu nan tabatin otro malesanan activo den e area.

LOTTO DI DIA

Christmas Special

ROLLDOWN

ARL 150.000

Si no tin ganado cu 5 number bon, e ta bay na esun cu tin 4 number bon y asina e ta keda roll down te ora tin ganado!

Corda pidi pa po Facilito y gana premio cash instantaneo!

www.lottoaruba.com

LOTTO
Cambiando Vida

Corsou: Parlamento ta aproba ley nobo di wega di placa

(CuraçaoChronicle) - Parlamento di Corsou ta aproba e ley cu ta regula weganan di placa online, tambe conoci como Landsverordening op de Kansspelen (LOK), cu 13 voto na fabor y 6 contra.

E legislacion nobo tin e meta di trece un cuadro mas transparente pa e isla su industria di weganan online, cual segun e Minister di Finanzas Javier Silvania, ta priminti di trece ganashi significante pa gobierno.

E ley su aprobacion ta sigui un proceso desafiante durante cual preocupacionnan a ser treci dilanti pa ambos nivel

internacional y local. Problemnan clave ta inclui dudanan tocante si e gobierno lo ricibi e ganashinan proyecta, e confiabilidad di esnan cu tin licencia y e riesgonan di mal uso. Te hasta e gobierno Hulandes a expresa duda tocante e ganashi financiero anticipa.

Minister Silvania a fuertemente defende e legislacion, enfatisando cu e industria aki por genera por lo menos 40 miyon florin anual den tarifa di licencia pa e gobierno. El a splica cu 200 licencia a ser duna caba, cu 1,000 aplicacion adicional pendiente. Mas adelante, esnan cu tin licencia lo ser rekeri paga un minimo di



120,000 florin pa obtene un permiso. E Minister a hustifica e tarifa aki pa medio di enfatisa e escala di multi miyon dollar di transaccionnan den wega di placa. El a remarca cu

e negoshinan cu no por cubri e gastonan mester considera explora otro industria. Silvania a enfatisa cu e licencianan no lo ta facilmente obtenibel y cu companianan cu

solamente e companianan cu cumpli cu e rekisitonan estricto lo ricibi e permiso. E medida aki tin meta di preveni organisacionnan criminal di explota regulacionnan pa labamento di placa.

E ganashi anticipa di e ley di wega di placa ta stipula pa varios causa social. Fondonan lo ser usa pa mehora e calidad di bida di e ciudadanonan cu ta den desbentaha, cual ta sostene iniciativanan di deporte y crea oportunidadnan di empleo. Algun parlamentario a te hasta propone aloca parti di e fondo pa aumenta e pension minimo di 862 florin pa 1,500 florin pa luna.

Hulanda: Medidanan di asilo estricto lo ser debati y hiba votacion diabierna



(NLTimes) - Gabinete Hulandes ta anticipa di sigui padilanti cu un set di medidanan cu Minister di Asilo y Inmigracion Marjolein Faber a trece dilanti durante e reunion semanal di ministernan diabierna.

E medidanan tin e intencion di lidia cu fluho di asilo, recepcion y reunionnan familiar cu a keda finalisa pa Faber, fuentenan cercano na e situacion a confirma na NOS.

Mayoría di e medidanan ya

caba a keda anuncia, pero nan mester a formalmente keda declara pa e proposito legislativo. Faber su medidanan ta inclui kita permiso di residencia permanente pa esnan cu un status di asilo aproba. E gobierno tambe lo pone limite riba e periodonan di residencia pa esnan cu status di asilo na 3 aña na luga di 5 aña. Tambe lo bira mas dificil pa familiarnan di esnan cu ta busca asilo reuni cu nan famianan na Hulanda.

Tambe lo tin un cambio den e

proceso di tuma decision tocante e declaracionnan di refugiado. Esnan cu huy for di nan pais a causa di nan sexualidad of status politico lo ser duna mas proteccion cu esnan cu ta huy for di nan pais a causa di guerra.

E 4 partidonan den coalicion ta inclui Faber su PVV ademas di VVD, BBB y NSC. E problema di asilo ta uno divisivo dentro di e coalicion, cu ta bay back na e dianan tempran di dialogo entre e 4 partidonan poco despues di e eleccion den 2023.

Corsou: Permiso di boto di fruta revoca despues di varios violacion

(CuraçaoChronicle) - E Ministerio di Desaroyo Economico (MEO) a revoca e permiso di un boto di fruta despues di varios violacion.

Durante un inspeccion cu a tuma luga recientemente, un ekipo multidisciplinario un biaha mas a haya cu productonan ta ser bendi sin e autorisacion apropiada. E inspeccion aki a tuma luga na Sha Caprileskade, unda e

botonan di fruta Venezolano primeramente ta bende fruta y berdura.

E ekipo di inspeccion a inclui representantenan di Aduana, Punda Neighborhood Team di cuerpo policial di Corsou (KPC), Economic Inspection Unit, Immigration Servies y Warda Costa. E proposito di e inspeccion ta di garantisar cu esnan cu tin permiso cumpli cu e condicionnan stipula pa e sitionan di benta.



Durante e inspeccion di 4 boto di fruta, productonan prohibi a ser haya un biaha mas apesar di warning anterior. E articulonan confisca a inclui 90 bloki di keshi, 10 kilogram di keshi blanco,

un saco di pisca, 25 pakete di jam, 5 caha cu 24 paki di mangel di tamarindo y un pochi di pisca cora.

A causa di e violacionnan aki, e proceso di kita e permiso di e boto di fruta en cuestion a

inicia. E ekipo multidisciplinario a enfatisa e importancia di mercado husto y e cumplimiento cu regulacionnan existente. “Nos mester garantisar negoshi unda tur esnan cu ta bende ta cumpli cu e reglanan,” e team a declara.

ONDERCURATELESTELLING



Bij beschikking van 10 december 2024 (Behorend bij AUA202403280 EJ) van het Gerecht in Eerste Aanleg van Aruba, is

ANGEL STANISLAO FLANEGIEN, geboren op 6 mei 1940 in Aruba, onder curatele gesteld en benoemt

over de onder curatele gestelde tot curatrice zijn dochter, **Ludwina Catherina FLANEGIEN**, geboren op 13 februari 1964

in Aruba en wonende in Aruba.

De advocaat,
mr. A.E.A. Hernandez.

Cantidad di explosion na Hulanda a aumenta atrobe e aña aki; 500 sospechoso deteni

(NLTimes) – Alrededor di 500 sospechoso a ser aresta pa explosionnan e aña aki, polis Jos van der Stap, ken tambe ta e creador di e programa “High Impact Crimes,” a bisa NOS. Segun polis, tabatin 1,100 atake usando explosivo riba cas- y companianan e aña aki.

Esaki ta un aumento significativo na 2021 ora tabatin 212 explosion. Tabatin 923 explosion e ultimo biaha cu esaki a ser reporta, cu tabata memey



di november.

E klapchi Cobra ta ser usa den alrededor di 80% di e

explosionnan. Aunke cu e ta ilegal, hopi biaha e ta wordo cumpra via mercado preto pasobra tin demanda p’e na

Hulanda. Van der Stap a bisa cu e klapchi “tin e poder di un granat y ta un menasa pa bida di un persona si e explota den cercania.”

Polis ta bisa cu e cultura di klapchi di Hulanda ta contribui na e hecho cu explosionnan ta sucede hopi mas frecuente cu den paisnan den cercania. Van der Stap ta pensa cu companianan di medianan social tambe mester pone mas trabao den wak y coopera cu polis ora nan websitenan ta ser usa pa bende y cumpra klapchi ilegal.

E minister di Husticia y Seguridad, David van Weel, a bisa cu e ta hopi preocupa pa e subida di explosionnan. E ta sinti cu e explosionnan aki no ta vuurwerk y ta mas comparable cu un granat.

Esaki ta motibo cu tampoco e no kier a discuti un prohibicion di klapchi. “Nos ta mira e tipo di explosionnan aki durante henter aña. E ta sucede tur anochi un caminda na Hulanda. E ta un tendencia straño, y mi ta mir’e como algo diferente cu klapchi.”

Hulanda: Ministerio di Enseñansa ta bisa cu scarsedad di maestro lo sigui pa proximo dies aña

(NLTimes) – Scolnan lo ta sufriendo di scarsedad di maestro pa e proximo dies aña, funcionarionan di ministerio di Enseñansa a skirbi den un informe anual riba e tema. Sinembargo e scarsedad a baha e aña aki. Pero Secretario di Estado di Enseñansa Basico, Marielle Paul a bisa cu esaki ta un efecto temporal debi na e vencemento di e programa di sosten contra atraso di corona.

Ministerio di Enseñansa a gasta miles di miyones di euro na e Programa Nacional di Enseñansa. Meta di e programa di subsidio aki tabata pa yuda studiantenan alcanza e atraso cu nan a acumula durante e pandemia di coro-

navirus. E placa por ser usa pa scolnan pa tuma personal extra den servicio temporalmente. E hendenan aki awor ta disponibel pa trabou nobo, y ta p’esey e scarsedad a baha.

Actualmente tin un scarsedad di 7,700 cupo di trabou full-time den e sector di enseñansa primario. Esaki ta alrededor di 2,100 menos cu un aña prome. Den enseñansa secundario, e scarsedad a keda alrededor di 3,800.

Compara cu e cantidad total di trabou, e scarsedad di maestro ta alcanza mas o menos 8% den enseñansa primario y 5% den enseñansa secundario.

Oficialnan di ministerio di Enseñansa ta anticipa cu e

scarsedad lo baha un poco den enseñansa primario prome cu e subi riba e nivel actual. Esaki ta parcialmente pasobra e cantidad di estudiante lo aumenta den e proximo añanan mientras cu mayoria di docente y miembronan di directiva di scol ta cerca di edad di pensioen.

E scarsedad ta bay sigui aumenta den enseñansa secundario pa e proximo 10 añanan, e escritornan di e rapport ta pronostica. Aunke e cantidad di alumno ta bahando, ta birando mas dificil pa haya maestro pa e materianan di matematica, fisica, kimica, ciencia di computer, Hulandes, Aleman, Frances y idiomanan clasico.

Paul a bisa cu hopi trabou ta



ser haci pa purba combati e scarsedad. Por ehempel, e tabata contento cu e noticia cu aproximadamente 2,200 stagiaire lateral di un otro ramo a bira maestro e aña aki, loke “ta yega cerca di e record di aña pasa.”

Tambe el a bisa cu un factor positivo tabata cu colabora-

cionnan regional entre scolnan ta cuminsa y ta conduci na solucionnan creativo pa e scarsedad di maestro.

E resultadonan positivo aki ta hopi necesario, asina e Secretario di Estado a bisa. “Pasobra manera ta e caso den henter e mercado laboral, e scarsedad ta y ta keda hopi significativo.”



(NLTimes) – Netflix a haya un boet di 4.75 miyon euro pa acusacionnan cu e plataforma di streaming di video no tabata transparente tocante e maneho di datonan di su clientenan. E boet a ser anuncia pa e Autoridad di Proteccion di Dato Hulandes (DPA) diaranson como

resultado di un keho presenta pa e grupo di privacidad di Austria ‘None of your Business.’ Netflix a opone contra e boet.

“Netflix no a duna clientenan suficiente informacion tocante kico e compania ta haci cu nan datonan personal entre 2018 y

Regulador Hulandes ta duna boet d 4.75 miyon euro na Netflix pa motibo di maneho di datonan priva

2020,” DPA Hulandes a skirbi. Esaki ta regarda informacion recoge for di clientenan, manera custumbenan di wak, detayenan di pago, adresnan di email y numbernan di telefon.

E compania tin un sede Europeo na Hulanda, cu a pone DPA Hulandes responsabel pa atende cu e keho. E organizacion a lansa su investigacion cinco aña pasa, y a determina cu Netflix no a informa hende claramente tocante kico e compania a haci cu datonan priva, ki dato a ser comparti cu otro organisacionnan, dicon cualkier dato a ser comparti, e duracion cu e dato a ser warda, y con e datonan a keda safe, e regulador a bisa.

E informacion aki mester a ser inclui den e declaracion di privacidad di e compania. E ausencia di e informacion ey ta constitui violacion di e reglanan di privacidad Europeo bou di e Regulacion General di Proteccion di Dato, of GDPR. “Ademas, clientenan no a ricibi suficiente informacion ora nan a puntra Netflix cual dato e compania ta recoge tocante di nan,” e regulador a bisa.

Mas cu 3 miyon subscripcion pa Netflix ta ser teni na Hulanda actualmente, alcanzando mas o menos mita di e poblacion di e pais. E ta e servicio di streaming mas popular den e pais, compitiendo cu Disney+, Videoland, HBO Max, Amazon Prime y Viaplay.

“Un compania manera esey, cu ta factura biyones y miyones di cliente rond mundo, tin cu splica su clientenan corectamente con e ta mancha nan datonan personal,” Presidente di DPA Hulandes, Aleid Wolfsen a skirbi den un declaracion. “Esey mester ta cla manera cristal. Especialmente si e cliente puntra tocante esaki. Y esey no tabata den orden.”

‘None of Your Business’ a entrega e keho prome na e regulador di Austria, cu despues a pasa e caso pa Hulanda. “DPA Hulandes a coordina e investigacion y e suma di e multa cu otro instancianan Europeo di proteccion di datonan,” e autoridad Hulandes a bisa.

Canada ta impone sancion economico riba 5 oficial Venezolano *Incluyendo presidente di Corte Supremo*

(AP) — Canada a impone sancion economico diamars riba cinco oficial Venezolano, incluyendo presidente di Corte Supremo di e pais, acusando nan di participa den fraude electoral durante eleccion presidencial disputa na juli.

Tanto presidente incumbente di Venezuela, Nicolas Maduro, y oposicion politico — cu su candidato Edmundo Gonzalez, kende awo ta den exilio na Spaña, y su lider Maria Corina Machado, kende ta scondi na Venezuela — ta declara victoria den voto dia 28 di juli.

Anuncio diamars di minister Canades di Asunto Exterior, Melanie Joly a marca e di cuatro biaha cu Canada ta sanciona individuonan vincula



na gobierno di Maduro.

Gobierno di Maduro rapidamente a denuncia e sancionnan como “medida extorsionario” y un “intento fracasa pa presiona Venezuela.”

E desaroyo ta yega menos di

un luna prome cu e proximo termino presidencial ta programa pa cuminsa na Venezuela. E medida di Canada ta busca pa pone presion riba autoridadnan de facto na Venezuela pa “respetar boluntad di pueblo Venezolano,” segun e declaracion di e ministerio di Asunto Exterior.

Ademas di Caryslia Rodriguez, presidente di Tribunal Supremo di Husticia Venezolano, esnan sanciona ta inclui dos hues, un fiscal y un miembro di cuerpo electoral di e pais.

Crisis politico protracta na Venezuela a profundisa despues di e eleccion altamente anticipa. Consejo Nacional Electoral di e pais, yen di hende leal na Maduro, a declar’e ganador oranan despues cu urnanan a cera. Sinembargo, a diferencia di eleccionnan presidencial anterior, autoridadnan electoral no a duna conteo detaya di e votonan.

Mientras tanto, oposicion lidera pa Machado a colecta actanan di 80 porciento di e mashinnan electronico di

voto di e pais, a post nan online y a bisa cu e registran di voto ta muera cu candidato di e fraccion, Gonzalez, a gana eleccion cu dobel e cantidad di voto cu Maduro.

Condena global pa e falta di transparencia a pone Maduro pidi corte di Venezuela, tambe yen di hende leal na e partido den gobierno y dirigi pa Rodriguez, pa haci un auditoria di e resultadonan. E corte subsecuentemente a reafirma su victoria.

“E sancionnan awe ta duna un mensahe cla: Canada no ta bay para un manda mientras regimen di Maduro ta continua ignora e boluntad democratico di pueblo Venezolano,” Joly a bisa. “Un solucion pacifico, negocia y lidera pa Venezuela ta necesario pa resolve e crisis aki.”

Cepal ta aumenta na 2.2% su prevision di crecimiento di GDP na America Latino e aña aki

(infobae) — Comision Economico pa America Latino y Caribe (Cepal) a aumenta ayera na 2.2% e pronostico di crecimiento di GDP regional pa e aña aki, compara cu e 1.8% calcula na augustus ultimo.

Pa 2025, e organismo dependiente di Nacionnan Uni a proyecta un expansion di e GDP latinoamericano di 2.4%, un 0.1% mas cu loke a proyecta na augustus.

“Economianan di e region ta bay continua e aña aki y e proximo hinca den un trampa di capacidad abao pa crece, cu tasa di crecimiento cu lo keda abao y un dinamica di crecimiento cu ta depende di con-

sumo priva y menos di inversion,” segun Cepal a bisa den e informe ‘Balans Preliminar di Economianan di America Latino y Caribe 2024,’ presenta ayera na Santiago.

Den ultimo decada, e crecimiento promedio anual di e region tabata di 1%, “loke ta implica alabes un stancamento di GDP per capita durante periodo aki,” e organismo a agrega.

Pa afronta e trampa di capacidad abao pa crece, secretario ehecutivo di Cepal, Jose Manuel Salazar Xirinachs a recomenda pa “aumenta capacidad di e economianan pa mobilisa nan recurso financiero di manera efectivo cu meta pa fortalece e resiliencia

dilanti fluctuacionnan economico” y “fortalece e capacidad productivo na plaso mediano y largo.”

Tocante inflacion regional, e organismo a calcula cu lo clausura e aña aki na 3.4%, compara cu e 3.7% di 2023 y e maximo di 8.2% registra na 2022 como consecuencia di pandemia.

Venezuela (6,2 %), República Dominicana (5,2 %), Paraguay (4,2 %) y Costa Rica (4,1 %) ta bay lidera crecimiento economico e aña aki. Memey di e tabel tin Nicaragua (3,7 %), Honduras (3,6%), Guatemala (3,5 %), Brazil (3,2 %), Peru (3,1 %), Uruguay (3,1 %), El Salvador (3 %),



Panama (2,6 %) y islanan di Caribe Caribe (2,5 %) sin conta Guyana, cu ta bibando un ‘boom’ petrolero. Na final, pero toch cu cifra positivo, tin Chile (2,3 %), Bolivia (1,7 %), Colombia (1,8 %), Mexico (1,4 %) y Ecuador (0,8 %), mientras c Cuba (-1 %), Argentina (-3,2 %) y Haiti (-4 %) ta e

uniconan cu lo cay e aña aki, segun e organismo di ONU.

Latino America, e region mas desigual na mundo, a crece un 6.9% na 2021 como bounce back despues di e caida den pandemia, pero na 2022 a desacelera te na 3.7% y na 2023 a cera cu un crecimiento di 2.3%



(AP) — Gobierno Mericano riba diamars a dedica su embahada nobo di mas di \$1 biyon na Mexico, como dos aña despues cu e tabata pro-

grama pa keda completa.

Embahador saliente di Merca, Ken Salazar a bisa cu e embahada mas grandi cu Merca tin

Merca ta presenta embahada di \$1 biyon na Ciudad de Mexico despues di añas di retraso

na mundo “ta resalta e relacion singular entre nos nacionnan y paisnan.”

Gobierno a tene un ground breaking riba e embahada nobo na februari 2018. Merca ta bay laga su edificio actual riba boulevard Paseo de la Reforma den e capital Mexicano, cu ta un sitio regular di marcha y protesta durante añanan.

E embahada nobo ta un sitio antes industrial cu a rekeri

cleanup toxico extensivo. E area conoci como New Polanco ta inclui museo moderno y otro proyectonan afuente desaroya pa Carlos Slim, un di e hombernan mas rico na mundo.

Sinembargo, e edificio nobo no ta habri pa publico ainda. Esey probablemente no lo sucede prome cu fin di proximo aña, mientras trabao ta continua. E dedicacion ta yega net prome

cu regreso di presidente electo Donald Trump na Cas Blanco proximo luna. El a priminti deportacionnan masivo y a menasa Mexico cu tarificanan pisa si no haci mas pa controla inmigracion y trafico di droga.

Trump a propone embahador Ron Johnson como e proximo embahador na Mexico. Johnson tabata embahador Mericano na El Salvador durante e prome termino di Trump.

Puerto Rico: Pedro Pierluisi ta adverti gobierno entrante pa tene “cautela” cu contract di LUMA Energy

(ElNuevoDia) – Gobernador Pedro Pierluisi a adverti dialuna cu administracion entrante di Jennifer Gonzalez mester ta “cuidadoso” riba e posibilidad di cancela e contract cu consorcio di LUMA Energy pasobra por tin consecuencia dañino pa pueblo.

“Nos lo mester wak, un biaha mas, ki opcionnan ta urgente. Den pasado nos tabatin dos propuesta. LUMA tabata esun cu a haci oferta mas halto. E otro propuesta tabata kier un aumento di tarifa casi mesora, y p’esey el a wordo rechasa. LUMA su desempeño no ta loke mi a spera. E no ta esun cu ningun hende a spera, pero e ta encarga cu e red aworaki”, Pierluisi a bisa pa loke ta e seleccion di e compania cu ta encarga cu e red di transmission y distribucion di e sistema electrico.

Durante henter e periodo di cuater aña, González a presenta varios opcion pa atende e malcontento di ciudadanonan cu e desempeño di LUMA. Na



dado momento, el a propone pa e pueblo cancela e contract cu e consorcio, un posicion cu el a modifica despues pa papia tocante evaluacion di e contrato. Despues el a papia di crea – pa ley – e figura di un zar di energia cu lo ta responsabel

pa evalua e acuerdo contractual y recoge evidencia pa renuncia na esaki, entre otro tareanan.

“Loke mi a bisa, y mi ta ripiti, ta cu nos mester ta hopi cauteloso si nos ta bay cancela e contrato ey pasobra loke nos no kier ta

pa e red ey bay abou y despues tin un blackout general aki di un dia pa otro. Tampoco nos kier pa e reconstruccion cu ta tumando luga, di 198 proyecto na e momentonan aki, para”, e prome ehecutivo a agrega. Diadomingo, González a

anuncia e creacion di loke el a yama e Comision di Trabou pa e Transformacion di Energia di Puerto Rico. Den un comunicado di prensa, e comision a declara cu e “lo ta responsabel pa traha e caminda pa transforma e sistema di energia den uno robusto, eficiente y accesibel.”

Ademas, e grupo lo conseha e gobernador-eligir riba posibel operadornan substituto pa LUMA, alternativanan pa acelera construccion di plantanan di generacion nobo, mehora servicio electrico, diversifica fuentesnan di energia, zorg pa e fondonan federal cu el a sigura como comisario residente ser usa pa reconstruccion, atendiendo e problema di restructuracion di e debe di Electric Power Authority (PREPA).

Pero Pierluisi a subraya cu tin un relacion contractual entre gobierno di Puerto Rico y LUMA Energy, pues “si bo no por demostra motibo husto pa cancela e contrato, anto bo mester paga un boet.”

Gobierno di Cuba ta admiti cu crisis di turismo lo sigui na 2025

(CiberCuba) – Considera como un di e forsan impulsando economia Cubano, turismo lo sigui baha na 2025, gobierno di Cuba a confirma dialuna.

Proyeccionnan oficial ta indica cu otro aña lo ta hasta pio cu 2024, cu un calculacion di 2.6 miyon turista internacional, 100 mil menos cu e meta cu ya no a cumpli pa e aña aki, agencia di noticia EFE a informa.

Minister di Turismo, Juan Carlos García Granda a reconoce e realidad aki durante e Comision di Turismo di Asamblea Nacional di Poder di Pueblo (ANPP), señalando multiple factor cu ta afecta e sector.

Entre nan el a menciona problemanan financiero, fayonan den suministro hotelero, perdida di personal cualifica, sancionnan di Merca y un caida preocupante den e indice di percepcion di seguridad di e destinacion, cu te recientemente tabata un di e puntonan fuerte di industria di turismo Cubano.

Den e prome dies lunanan di 2024, e isla a ricibi solamente 1.85 miyon turista interna-



cional, 6.5% menos cu den e mesun periodo di e aña anterior, segun Oficina Nacional di Estadistica y Informacion (ONEI).

Esaki ta confirma cu e meta di 2.7 miyon bishitante pa e aña aki, cu ya caba a ser baha for di un obhetivo inicial di 3.2 miyon, no lo ser cumpli.

Segun García, e aña lo termina cu mas o menos 2.2 miyon bishitante di exterior, loke ta indica un caida claro den e sector.

E impacto di e crisis aki ta profundo, ya cu turismo tradicionalmente tabata un di e fuen-

tenan principal di entrada di divisa pa Cuba, di dos solamente tras di servicio y envio profesional.

Sinembargo, e cifranan actual ta leu di e 4.6 miyon turista registra na 2018 y e 4.2 miyon na 2019, prome cu e pandemia di COVID-19, EFE a señala.

E reduccion den e cantidad di bishitante ta afecta casi tur mercado di fuente tradicional, manera Canada y Spaña, mientras cu solamente Rusia y Mexico ta muestra aumento.

E tendencia aki ta contrasta cu esun di otro destinacionnan Caribeense, manera Punta

Cana (Republica Dominicana) y Cancun (Mexico), cu ta yegando cantidadnan record di bishitante den e era post-pandemia.

Cu turismo ainda den crisis y e regimen faltando solucionnan cla, proyeccionnan pa 2025 ta refleha un economia cu ta sigui sink den un escenario di incertidumbre y stagnacion.

E regimen Cubano tambe a anuncia dialuna un proyeccion di crecimiento economico di 1% pa aña 2025.

Joaquín Alonso Vázquez, minister di Economia y Planificacion, a informa cu e pronostico

di crecimiento aki ta basa riba e supuesto recuperacion di turismo, e aumento di entrada for di exportacion y e reactivacion di actividadnan productivo y industrial, hunto cu e estabilizacion di e Sistema Nacional di Energia Electrico (SEN), Cubadebate oficial a informa.

Dialuna e vice presidente Salvador Valdés Mesa a reconoce e deterioro grave di e condicionnan di bida den e zonanan rural di e pais, aunke el a insisti cu mester defende e “logronan di e Revolucion”.

“Prome cu tur cos, nos mester recupera e gran trabou di e Revolucion den e cunucu y seronan di e pais,” Valdés Mesa a bisa como si fuera e no tabata na altura cu e crisis energetico, e falta di recurso y e crisis economico impulsa pa su gobierno no tin impacto riba e dificultadnan cu cunukero- y comunidnan agricultral mester enfrenta diariamente.

E number dos den e gobiernno di Cuba a referi na salud y educacion como otro “obranan di e Revolucion.” Sinembargo, el a agrega cu e situacion di cunukero- y residentenan rural “a sufri hopi deterioro.”

E panorama di e genero musical 'Latin Trap' ta cambiando y nominacionnan manera di Young Miko ta comproba esaki

(AP) - Ken ta e musiconan di reggaeton top na mundo? Of den historia? Nombernan manera di Bad Bunny ta bini na mente? Daddy Yankee? Y Wisin y Yandel, Rauw Alejandro, Farruko y J Balvin?

Pa añanan largo, musica 'urbano' ta defini solamente pa su artistanan masculino. Sinembargo esaki no ta e caso mas y ciertamente no den historia di awendia.

Karol G su Mañana Sera Bonito - Spotify su di 4 album ma scucha, globalmente den 2024 aunke el a lansa den 202 - y un par di talento nobo for di Puerto Rico manera Villano Antillano, RaiNao y Young Miko, ta demostra cu e temponan ta cambiando y musica cu antes tabata asocia



cu machismo awo ta cambiando di look.

Desde cu el a publica su EP den 2022 "Trap Kitty," Young miko a resalta. No solamente pa su Latin Trap cu tin flow cu e meta di empodera e comunidad di LGBTQ+ - aunke esaki ciertamente ta un fac-

tor - sino tambe pa su hitnan super viral manera "RiRi" y "Offline" conhuntamente cu Feid.

Luna pasa, "Att" a duna Young Miko su prome nominacion Grammy den e categoria di Best Musica Urbana, tradicionalmente un club di hende

homber. E ta e unico muhe cu ta nomina den e categoria aki. E entrega di premio Grammy lo tuma luga dia 2 di februari den 2025.

Con el a reacciona na e noticia? "E tabata ciertamente inespera. Pero semper tabata un sono," el a conta The Associated Press recientemente na Variety Music Hitmakers Brunch, agregando cu esaki no ta solamente su soño sino tambe e soño di henter su ekipo. "Pues ora cu nos a haya e noticia, e tabata un momento emocionante. Nos

tur tabata hunto y kier a disfruta di e momento. Y nos ta feliz di sikiera ta considera. Pues ya, e ta algo great."

Anteriormente e aña aki, Karol G tabata e prome muhe cu a gana un Grammy pa Best Musica Urbana Album.

"Como un muhe, mi mester bisa, manera den mi experiencia, e tabata difìcil pa ta un muhe den e industria aki, den e musica cu mi ta aden, musica urbano," Karol G a conta AP backstage di Grammys di e aña aki. "Mi sa cu mi ta representa hopi mucha muhe, no solamente den musica, hopi muhe den mundo cu ta luchando pa nan representa nan mes."

Young Miko ta bisa cu e industria ta cambiando, "definitivamente," el a comparti.

"Mi ta kere cu tur cos ta pasa pa un motibo y evolucion ta un parti di tur cos."



Aruba Bank a sostene Blue Marlins cu sponsorship di uniform



Aruba Bank ta orguyoso di por a anuncia su sponsorship pa Blue Marlins Baseball Team, un total di 20 uniformnan completo pa e ekipo U10 bou di e nomber di Wave Breakers. Esaki ta inclui jerseys, carson, faha, mea y pechi, pa asina garantisa cu e ekipo ta bon prepara pa ta exitoso.

E organisacion Blue Marlins ta dedica na

duna e hubentud bou di 16 aña un experiencia positivamente cu beisbol, cu ta enfoka riba desaroyo di habilidad, trabou den ekipo, y e spirito deportivo.

Nos ta orguyoso di a sostene Blue Marlins den nan mision pa inspira atleta hoben. E patrocinio di uniformnan ta un di e manera cu Aruba Bank ta yuda e hobennan aki brisa riba y for di tereno di wega.

Pharell Williams nombra un Goodwill Ambassador di UNESCO

(AP) - Celebridad y disenador di moda Pharell Williams a ser nombra UNESCO su Goodwill Ambassador pa educacion artistico y emprendimiento diamars na Paris, continuando cu su posicion dominante cultural den e capital Frances como Louis Vuitton su director artistico y artista invita na Notre Dame Cathedral su reapertura anteriormente e luna aki.

Williams a bisa cu e tin e speranza di por "profundisa e sentido di unidad y compañerismo" den trabao cu ta "nivela e oportunidadnan pa comunidadnan marginalisa." Tambe el a papia tocante hubentud den pobreza: "Creciendo na Virginia, nunca mi pensa cu mi lo ricibi un oportunidad manera esaki."

E rol di Goodwill Ambassador pa e agencia cultural basa na Paris ta involucra promove su iniciativanan cu ta inclui proteccion di culturanan Indigena, avansa educacion y cuido di salud pa hende muhe, aumenta conscientisacion tocante prevencion di genocidio y salvaguardia e herencia cultural.

Williams ta uni un lista di embahadornan cu ta inclui mu-

sico di Jazz Mericano Herbie Hancock, artista Brasileiro Vik Muniz y creador di pelicula Hapones Naomi Kawase.


Williams ta particularmente visibel na Paris e aña ki. Poco prome cu e Olimpiada na Paris, su rol como disenador di Louis Vuitton tabata den centro durante un evento yena di celebridad n base di operacionnan id UNESCO. E show, celebrando e bunitesa di ser humano, tabatin modelo cu tabata bisti paña den e diferente tono di piel di ser humano.

Lidernan di UNESCO ta spera cu Williams su influencia global y conexion profundo na moda y musica lo hala atencion fresco na e agencia su ftrabao.

Williams ta Mericano y su seleccion como Goodwill Ambassador tambe ta resaltando e readmision di Merca na UNESCO aña pasa.

Merca su salida bao President Donald Trump a cita supuesto faboritismo anti-Israel dentro di e agencia. E decision a bini despues di un decision den 2011 di UNESCO unda ta inclui Palestina como un estado miembro, cual a causa cu Merca y Israel a para financiamiento pa e agencia.

Megan Thee Stallion ta busca orden di restriccion, bisando cu Tory Lanez
ainda ta acosando e



(AP)—Megan Thee Stallion a puntra un corte diamars pa suministra un orden di restriccion contra Tory Lanez, ken e ta bisa ta acosando e for di prison via mediadornan mientras e ta sirbi un sentencia di dies aña despues cu el a tir’e den pia.

E peticion entrega pa e strea di hip-hop na e Corte Superior di Los Angeles ta puntra e hues pa preveni e rapero Canades Lanez, di ken su nomber legal ta Daystar Peterson, di usa tercer partidonan pa sigui cu e acoso online di Megan, di ken su nomber legal ta Megan Pete, cu el a participa den dje y a curasha prome cu su encarcelacion.

“Hasta awor, mientras e ta den prison, Sr. Peterson no a muestra ningun señal pa stop,” e peticion ta bisa. “A pesar di ta sentencia pa dies aña den prison pa tira Sra. Pete, Sr. Peterson ta sigui somet’e na continuo trauma y revictimisacion.” E peticion ta bisa cu registracion di yamadanan den prison for di Lanez na e California Correctional Institucion na Tehachapi ta muestra cu e ta coordinando atakenan riba e credibilidad di Megan. Un e-mail buscando pa comentario for di e abogadonan di Lanez no a ser contesta ainda. Un audiencia den corte riba e orden ta

planea pa dia 9 di januari 2025. E peticion ta bisa cu blogger nan actuando den nomber di Lanez ta sigui pone duda riba su acusacionnan, haciendo declaracionnan falso incluyendo cu e pistol y fragmentonan di bala den e caso a disparce. E peticion ta bisa cu e orden protectivo suministracion pa preveni e acoso anterior no ta den efecto mas, cual e ta yama un ‘loophole’ y eror den e sistema hudicial criminal. Na december 2022, Lanez a ser condena di tres delito: asalto cu un arma semiautomatiko; posesion di un arma no registra y carga den un vehiculo y descargando un arma cu negligencia. Un hues a rechasa un mocion pa un huicio nobo pa Lanez, ken ta apelando su condenacion. Na augustus aña pasa, el a ricibi un sentencia di dies aña, treciendo loke a parce ta e conclusion di e caso cu a mira dos carera, y bida, den tumulto.

E peticion ta bisa cu un blogger en particular, Elizabeth Milagro Cooper, ken Megan ta demandando den un otro caso, ta actuando como e “marioneta y vocero” di Lanez. E ta acusa cu Cooper ta plamando falsedad riba red social y YouTube, bisando den un video publica riba X, “Bo por prueba cu el a ser tira” y yamado e un “victima profesional” den un otro publicacion.

E abogado di Cooper, Michael Pancier, a nenga pa comenta riba e peticion di Pete, y a bisa den un email cu nan contesta binidero na e caso federal contra su fabor ta papia di su mes.

Un mocion anterior pa descarta e caso di Megan a bisa cu e ta haci “declaracionnan legal dudoso” y “acusacionnan irrelevantes y inapropia.”

Megan a testigua durante e huicio cu na juli 2020, despues cu nan a sali for di un fiesta na e cas di Kylie Jenner, Lanez a tira Megan tras di su pia y a grit’e pa baila mientras el a cana bay for di e SUV den cual nan tabata core. El a revela ken a los tiro algun luna despues.

E caso a crea un tormenta den e comunidad hip-hop, estimulando asuntonan incluyendo e reluctancia di victimanan color scur pa papia cu polis, politicanan di genero den hip-hop, toxicidad online, protegiendo hende muhe color scur y e consecuencianan di misoginia, un tipo particular di misoginia cu hende muhe color scur ta experiencia.

Megan Thee Stallion, awor 29, ya tabata un artista popular durante e tempo di e tiroteo, y e popularidad a aumenta mas



desde e tempo ey. El a gana un Grammy den e categoria best new artist na 2021.

Lanez, 32, a cuminsa publica

mixtapes na 2009 y a mira un popularidad gradual, graduando pa albumnan grandi. Su ultimo dos album a alcanza e top 10 riba e Billboard chart.

Boogaard Assurantien N.V.

DECEMBER

Opening Hours

Saturday, December 21 ST	CLOSING at 12pm
Tuesday, December 24 TH	CLOSING at 12pm
Wednesday, December 25 TH	CLOSED all day
Thursday, December 26 TH	CLOSED all day
Friday, December 27 TH	CLOSED all day
Tuesday, December 31 ST	CLOSING at 12pm
Thursday, January 2 ND	CLOSED all day

Paardenbaaistraat 8 O'stad or Savaneta 6 lokaal 1C | 528 8888

E ATP di tennis masculino a paga \$1.3 miyon na 26 hungador via un plan di ingreso garantisa den 2024



E ATP di tennis masculino a paga un total di \$1.3 miyon na 26 hungador den 2024 bou di un programa financiero nobo yama Baseline, cu ta garantisa ingreso anual minimo pa hungadornan clasifica

den e top 250.

Hungadornan a ricibi placa den tres categoria, segun e tour a bisa ayera, sin menciona e mayoria di e individuanan: 17 a ricibi pago como parti di garantia minimo pa

cubri e diferencia si e hungadornan no yega na cierto nivel den premio di singles, tres pa proteccion di lesion pa yuda esnan cu no por participa den torneo regularmente debi na problema di salud, y siete via inversion pa hungadornan nobo cu ta duna fondo pa miembro nobo den e top 125.

Un hungador a ricibi pago den dos categoria: e garantia minimo y e proteccion di ingreso, den e plan cu a ser anuncia na augustus 2023. E temporada aki tabata e prome di un periodo di prueba di tres aña.

“Como un hungador profesional di tennis, bo ta concentra riba resultadonan. Pa depende riba bo rendimiento pa logra por ta dificil, special-

mente ora bo ta enfrentando retonan manera lesionnan,” segun Bernabe Zapata Miralles, ken a ricibi un garantia minimo pa aumenta su ganadonan di e temporada. “Awor nos tin e confortabilidad cu nos mester pa mehora, sin e presion di incertidumbre financiero.”

Basa riba e clasificacionnan di fin di aña 2023 y ganadonan di 2024, ATP a cubri e diferencia pa hungadornan cu no a logra cierto nivelnan: \$300,000 pa e top 100; \$150,000 pa hungadornan masculino clasifica den 101 pa 175, y \$75,000 pa esnan entre 176 pa 250.

E suma lo subi pa e proximo temporada pa \$200,000 pa esnan riba number 101-175, y \$100,000 pa esnan riba num-

ber 176-250.

Pa compara: e number 1 di fin di aña, Jannik Sinner, a gana \$16.9 miyon den premio den 2024, mientras cu number 100 Federico Coria a gana cerca di \$590,000, y number 250 Abdullah Shelbayh a gana un tiki menos di \$205,000 den singles.

“Nos ta duna hungadornan e sosten financiero cu nan mester pa supera desafionan y construi un carera sostenible,” segun e presidente di ATP, Andrea Gaudenzi, ken ta un ex-hungador.

Hungadornan mester inscribi pa ser considera pa e programa, y e tour ta spera cu mas lo participa den futuro compara cu e mas di 100 cu a haci e den 2024.

Entrenador di Man United Amorim ta bisa cu e club mester di ‘talentonan grandi’ manera Rashford

(AP) — Ruben Amorim, entrenador principal di Manchester United, a bisa ayera cu e club mester di hungadornan manera Marcus Rashford despues cu e delantero a ser cita bisando cu e ta cla pa un desafio nobo.

Rashford a ser kita for di e squadron di United pa su victoria di 2-1 contra Manchester City diadomingo. Esaki a causa especulacionnan riba su futuro y Rashford a

papia di e posibilidad pa sali for di e club durante un entrevista diamars. “Pa mi, personalmente, mi ta kere cu mi ta cla pa un desafio nobo y e siguiente paso,” periodista Henry Winter a cit’e bisando. “Ora mi bay, lo no tin ‘ningun sentimiento malo.’”

Amorim tabata diplomatico ora a puntr’e si e kier pa Rashford keda den e club. “Claro cu si, pasobra un club manera esaki mester di talentonan grandi y e ta un talento grandi,” el a bisa durante un conferencia

di prensa. “Pues, e djis mester presta na e nivel mas halto y esey ta mi enfoko. Mi djis kier yuda Marcus.”

Rashford, 27 aña, tin un contracto te 2028.

E ta un graduado di e academia famoso di United, cu a produci hopi di su hungadornan mas grandi manera Bobby Charlton, George Best, Ryan Giggs, y David Beckham.

Pero el a lucha despues di firma



su contracto nobo na 2023 — marcando solamente ocho gol den e temporada anterior y a perde su lugar den e equipo di Inglaterra.

El a marca tres gol den seis

wega despues cu Amorim a ser nombra na november, pero a cambi’e despues di 56 minuut den su ultimo aparicion contra Viktoria Plzen siman pasa y despues el a keda afo contra City.

Rik Van Looy, un di e ciclistanan di caredanan di un dia mas grandioso, a fayece na edad di 90 aña



(AP) — Rik Van Looy, un di e ciclistanan di caredanan di un dia mas grandioso cu a gana dos campeonato mundial como tambe ocho clasiconan di “monumento,” a fayece, segun e federacion di ciclismo Belga a anuncia ayera. E tabatin 90 aña.

Den un carera cu a dura dies exitoso aña durante fin di añanan 1950 bay dilanti, e tabata e strea number 1 indiscutible na Belgica prome cu e mester a duna caminda na e ascenso di Eddy Merckx, probablemente e ciclista mas grandioso di historia.

Entre e clasiconan di monumento, el a gana Paris-Roubaix tres biaha, e Ronde di Flanders dos biaha, y Milan-San Remo, e Tour di Lombardy y Liege-Bastogne-Liege un

biaha cada un. Pa gana un “grand slam” ta algo dificil den ciclismo, ya cu cada clasico ta demanda habilidadnan specifico, sea sprinting, subimento di sero of manehando camindanan di piedra.

Solamente dos otro ciclista a logra haci esaki: Belganan Merckx y Roger De Vlaeminck.

E titulonon mundial di Van Looy a bin durante añanan di 1960 y 1961. Y aunke el a gana 39 etapa den Grand Tours, e nunca a gana e clasificacion total den Tour di Francia, Giro di Italia of Vuelta di España.

Segun e federacion, el a gana mas cu 450 careda durante un carera cu a cuminsa na 1953 y a caba na 1970.

Chelsea ta logra victoria contra Real Madrid y prome luga den Women's Champions League



na un pentalty despues cu el a trompica a causa di Olga Carmona.

Macario, nacin a Brazil, a logra anota un gol den e di 51 minuut y a converti un di dos pentalty den casimente e mesun posicion den e di 56 minuut den otro gol, despues cu midfielder di Chelsea Wieke Kaptein a tira e bala den e man di Carmona. Chelsea a gana tur 6 di e we-

ganan di su grupo y te ainda no a perde den e temporada aki, bao e coach nobo Sonia Bompastor. Den e Women's Super League na Inglatera, Chelsea a gana 9 wega y a yega empate den e otro.

Otro ekipo cu a logra caba e weganan den etapa di grupo cu un maximo di 18 punto ta Lyon, e campeon di 8 biaha, despues di un victoria di 1-0 na cas contra e ganador di dos

biaha Wolfsburg. Danielle van de Donk a anota un gol den e di 81 minuut.

Ambos ekipo a cualifica caba, pero Lyon tabata garantisa di gana Grupo A.


Roma a logra victoria contra Galatasaray 3-0 den e otro wega di grupo A, mientras cu Twente a derota Celtic 3-0 den Grupo b. Tur 4 di e ekiponan aki tabata elimina caba.



(AP) - Merca su striker Catarina Macario a drenta como substituo na mita tempo y a converti 2 pentalty pa Chelsea den un victoria di 2-1 contra Real Madrid, cual a yuda e ekipo caba den posicion top di Women's Champions League cu un record di 100% diamars.

Madrid ya caba tabata garantisa di cualifica pa cuarto di final conhuntamente cu Chelsea, pero tabatin mester di un victoria na Estadio Alfredo Di stefano pa por clasifica como e ganador di Grupo B.

E ekipo Spaño tabata riba caminda pa victoria ora cu Caroline Weir a habri e puntuacion den e di 7 minuut despues cu su tiro a logra anota e gol. Macario a drenta e wega den mita tempo y a haci un gran diferencia, yegando



PUBLIC AUCTION

THURSDAY
JANUARY 23, 2025

On Thursday January 23, 2025 at 11 AM, at the Chamber of Commerce, Aruba, will be auctioned in public (*executoriale verkoop*) pursuant to art. 3:268 and 3:254 Civil Code of Aruba:

Opal 21

a residential house, situated on a right of long lease until February 17, 2058, on a parcel government land, 644 m2 in size, situated at Rooi Santo in Aruba, registered at the Title Registry of Aruba as Second Division Section C number 2399.

Starting bid: Afl. 982.000,00



AUCTION NOTARY: T.R. JOHNSON

- The auction is subject to the general conditions for foreclosure auctions and special auction conditions which will be determined by civil law notary T.R. Johnson.
- Seller has the right to not accept any bid, at its sole discretion.
- The auction may be stopped or postponed at any time.
- Each bidder must submit a bank guarantee and/or letter of credit issued by a bank in Aruba to the amount of the highest bid increased with an amount equal to the auction costs.
- A signed and dated private bid can be submitted until, **January 8, 2025, at 5 PM**. A bidding form can be downloaded on our website.

For more information visit:
WWW.JOHNSONNOTARY.COM

Amazon lo inverti 10 biyon dollar den centro di data basa na Ohio



(AP) - Amazon Web Services lo inverti otro 10 biyon dollar pa mehora su infraestructura di centro di data na Ohio.

E compania y Gobernador Republicano Mike DeWine a anuncia e plan dialuna. E inversion nobo lo mehora e cantidad cu el a compromete di gasta den Ohio pa fin di 2029 na mas di 23 biyon dollar.

AWS a lansa su prome centronan di data den e estado

den 2016 y actualmente ta opera den dos parti di Ohio central, cas di e ciudad capital Columbus. E inversion nobo lo permiti AWS expande su centronan di data na sitionan nobo, sinembargo e companai a bisa cu e localidadnan aki te ainda no a keda determina y a nota cu su plannan di inversion ta depende riba e ehecucion di acuerdonan di servicio di energia di termino largo.

AWS a bisa cu e centronan di data nobo lo contene server

di computer, storage drive, ekipo pa networking y otro forman di infraestructura di tecnologia usa pa podera 'cloud computing', incluyendo inteligencia artificial y 'machine learning'.

Den juni di 2023, AWS a bisa cu e lo inverti 7/8 biyon dollar pa fin di 2029 pa expande su operacionnan di centro di data na Ohio central, Esaki ta ademas di e 6 biyon dollar inverti caba durante 2022.

Britania ta crea prome set di codigo di practica pa firmanan di tecnologia den regimen di seguridad online

(Reuters) - Britania su regimen di seguridad online a drenta na vigor dialuna, rekiriendo companianan di rednan social manera Meta su Facebook y ByteDance su TikTok tuma accion pa combati actividad criminal riba nan plataforman y hacinan mas safe.

Regulador di media Ofcom a bisa cu el a publica su prome codigo di practica riba combati dañonan ilegal manera abuso sexual di mucha y asisti of encurasha suicidio. Websitenan y aplicacionnan tin te cu dia 16 di maart 2025 pa evalua e riesgo cu e contenido ilegal ta posee na muchanan y adultonan riba nan plataforman, Ofcom a bisa.

Despues di e deadline, nan lo mester cuminsa implementa medida pa mitiga e riesgonan aki, manera miho moderacion, mas facilidad pa reprota y testnan di seguridad integra, segun Ofcom.

Ofcom su Hefe Ehecutivo Melanie Dawes a bisa cu e enfoke riba seguridad awo ta firme riba e companianan di tecnologia. "Nos lo monitor e industria di cerca pa garantiza cu e firmanan ta cumpli cu e standardnan di seguridad crea pa nan bao nos prome codigonan y guianan, cu mas rekisito biniendo den e prome mita di proximo aña," el a declara.

Online Safety Act, cual a bira un ley aña pasa, ta pone stan-

dard mas fuerte riba plataforman manera Facebook, YouTube y TikTok cu un enfasis riba proteccion di mucha y kita contenido ilegal.

Bao e codigo nobo, e funcionnan di reporta y keho awo mester ta hopi mas facil di haya y usa. Proveedornan di riesgo halto lo ser rekeri usa hermentnan automatica yama 'hash-matching' y 'URL detection' pa detecta contenido y material di abuso sexual di mucha, segun Ofcom.

E regulador tambe lo por duna boet di te hasta 22.3 milyon dollar of 10% di un compania su ganashi anual si nan no cumpli cu esaki.

Britania su Secretario di Tec-



nologia Peter Kyle a bisa cu e codigo nobo ta "paso den cambio di material pa seguridad online. Si e plataforman no cumpli, e regulador tin mi sosten pa haci uso di su

podernan completo, incluyendo duna boet y pidi cortenan blokia acceso na websitenan," el a bisa.

Potret di Reuters



(Reuters) - Comision Europeo a habri proceso formal diamars contra TikTok a causa di e sospecha di fracaso den limita interferencia den eleccion, notable den e voto presidencial di Romania luna pasa.

E Comision a bisa cu e lo pidi

informacion y investiga TikTok su politica riba avisonan politico y contenido politico paga ademas di TikTok su sistemanan pa genera recomendacion y e riesgonan cu esaki lo ta manipula.

E apertura di procesonan formal ta empodera e comision pa tuma pasonan di aplica-

UE ta habri investigacion contra TikTok a causa di interferencia di eleccion

cion y pa acepta compromisonan haci pa tikTok. No tin un deadline pa completa e procesonan.

China su TikTok, cual ta pertenece na Bytedance, a bisa cu el a proteha e integridad di su plataforma via mas di 150 eleccion mundialmente y a provee e Comision Europeo cu informacion extenso riba su esfuersonan.

El a agrega cu e no a acepta avisonan politico paga y proactivamente a kita contenido den violacion di su politicanan riba mal informacion y mensahe di odio.

E Comision a duna ordo na TikTok riba dia 5 di december pa freeze data relaciona cu e eleccion di Romania

bao e bloc su Digital Services Act (DSA), cual ta regula con mundo su companianan di rednan social mas grandi ta opera na Europa.

Romania su corte top a anula e eleccion presidencial a causa di esaki, despues di acusacion cu Rusia a influencia e victoria di ultranacionalista pro-Rusia Calin Georgescu den e prome ronda.

E Comision ta consciente di e riesgo di interferencia den e eleccion parlamentario di Alemania na februari y e eleccion presidencial na Croacia cuminsando dia 29 di december.

President di e comision Ursula von der Leyen a bisa cu e investigacion nobo ta bini

despues di indicacionnan fuerte cu actornan di exterior a inteferi den e eleccion di Romania. "Nos mester proteha nos democracianan for di cualkier tipo di interferencia di exterior. Ora cu nos sospecha e tipo di interferencia aki, specialmente durante eleccion, nos mester actua cu firmesa y rapidéz," el a bisa den un declaracion.

Esaki ta e tercer investigacion cu e Comision a lansa contra tikTok bao di DSA, ambos relaciona cu riesgonan pa menor. Un a cera despues cu TikTok a compromete pa kita TikTok Lite Rewards for di Union Europeo.

Potret di Reuters.

A haya un homber di 63 aña horca



Diamars mainta a drenta informe di un caso lamentabel unda un persona a pone fin na su bida, mesora a dirigi ambulance na e sitio.

Na yegada di e ambulance nan a pidi presencia di polis y recherche na e

sitio. Tanto polis recherche como tambe e investigadornan forensico a bay na e sitio pa asina conduci e investigacion. Dokter a presenta y a constata morto di e persona.

Na famia di e fayecido nos ta manda palabranan di profundo condolencia.

Chauffeur a baha caminda, subi un bloki y keda pega riba dje



Diamars merdia a drenta informe di un incidente na rotonde Tarabana, mesora a dirigi un patruya na e sitio.

Na yegada di e patruya a bin

compronde cu un chauffeur a bay baha caminda na un panaderia y sin sa el a subi riba un bloki y a keda pega. Afortunadamente ningun hende a resulta herida.



Chauffeur di edad den un Kia Picanto saliendo for di e rotonde a perde control y cay den greppel

Diamars merdia a drenta informe di un accidente banda di rotonde Palm Beach, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente unda un chauffeur di edad saliendo for di e rotonde a perde control y a bay cay den e greppel. Un ambulance pasando eybanda a baha check e chauffeur pero e no ta herida ni mester atencion medico.



Chauffeur no a regula su velocidad ni a mantene distancia y a bay dal tras di un auto

Diamars merdia a drenta informe di un accidente riba Avenida Milio Croes, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda cu e chauffeur di un Hyundai i10 no a regula su velocidad ni a mantene distancia a bay dal tras di un Kia Rio. Afortunadamente ningun hende a resulta herida.



Ban wak luz den bus



Centro di bario Noord tabatin aña pasa e actividad comunitario di decora e rotonde na Noord cu luz. E aña aki nos a pone na disponibilidad pa e pueblo di Noord un bus pa bay wak luz.

Esaki lo tuma luga diabierna dia 20 di december cuminsando for di 7or pm pa 11or pm. Lugar di salida ta Centro di bario Noord. Lo

cobra un suma chikito di 10 florin pa persona
y por inscribi mandando un app na celular
568-2935 of yama durante ora di oficina na
586-4658.

Ban sigui mantene nos cultura bibo, ban hunto den bus como un famia wak luz rond Aruba!

Servicionan di SVb durante dianan di fiesta



SVb ta informa pueblo tocante e orarionan di servicio pa meld AO durante dianan di fiesta.

























Pasco

- Diamars 24 di december 2024 por meld AO via e app MiSVb Trahado entre 7or di mainta te cu 11or di mainta. Esaki ta aplica pa melding via yamada telefonico tambe. Por yama na 527-2782.
- Diaranson 25 di december 2024 por meld AO solamente via MiSVb Trahado entre 7or di mainta te cu 11or di mainta so.
- Diahuebs 26 di december 2024 por meld AO solamente via MiSVb Trahado entre 7or di mainta te cu 11or di mainta so.

Aña nobo

- Dialuna 30 di december 2024 SVb ta cera 12or di merdia.
- Diamars 31 di december 2024 por meld AO via MiSVb Trahadu entre 7or di mainta y 11or di mainta. Esaki ta aplica pa melding via yamada telefonico tambe. Por yama na 527-2782.
- Djarason 1 di januari 2025 por meld AO solamente via MiSVb Trahadu entre 7or di mainta te cu 11or di mainta so.
- Diahuebs 2 di januari 2025 por meld AO via MiSVb Trahadu entre 7or di mainta y 11or di mainta. Esaki ta aplica pa melding via yamada telefonico tambe. Por yama na 527-2782.

Tur otro oficina ta cera pa publico durante dlanan aki. SVb ta desea pueblo un Bon Pasco y Prospero año 2025!

Resultado Sorteo 18 december 2024				
Cadena Alexander Lottery ta presenta resultado di weganan di suerte				
DIARIO		KORSOU	SUPER4	FLAMINGO
1955		6314	4330	0126
6430		7898	SUPER5	9077
5859		1688	-	3585
MERDIA		ANOCHI		
<div> Sorteo # 4483 8500 6995 2842  x2  Sorteo # 4483 5048  Fp  Sorteo # 2539 2808  Sorteo # 4483 5396 CARIBBEAN  Sorteo # 1357 870  x5</div>		<div><div> 3417 8338 8934  FP  3466  Fp  7098  2918 LEO  070  FP</div><div><div> Sorteo # 0 x Jackpot 0 x Match 4+ 0 x Match 4 0 x Afl. 12,00</div><div>06-19-21-30-32 Joker 12 Letter B Proximo Jackpot</div></div><div><div> Sorteo # 0 x Jackpot 0 x Match 4 0 x Afl 8,00</div><div>03-11-13-17-26 Proximo Jackpot</div></div><div><div> Sorteo # 0 x Jackpot 0 x match 4 0 x Afl. 500,00 0 x Afl 50,00 0 x Afl.15,00</div><div>Mega Ball Proximo Jackpot</div></div><div><div> MEGA PLUS</div><div><div> Sorteo #</div><div> Sorteo #</div></div><div></div></div></div>		

King Classic Sudoku

5			9		2			4
			5		3		9	7
	3				1	2	6	5
		1	8		4	5	7	
			2					
	8	9					3	
	9				8	6		
3				4	9		2	
	4							

Difficulty: ★★

12/19

©2024 King Features Syndicate, Inc.



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

Fundacion Contra Violencia Relacional

Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad San Nicolas
Hospital Imsan
7:00 pm / 10:00 pm 24 ora

Botica na warda

Oranjestad: San Nicolas:
Eagle: Aloe:
Tel. 587 9011 Tel. 584 4606
EMERGENCIA 911

POLIS

Oranjestad 100
San Nicolas 104
Santa Cruz 105
Noord 107
Tip Line 11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

BOTICA

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
San Nicolas 584-5712
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD

Setar 117
Web 525-4600
Elmar 523-7147

FUNERARIA

Aurora 588-6699
Royal Funeral H. 586-4444
Ad Patres 584-2299
Olive Tree 584-8888

Servicio di Taxi

Aruba Transfer Tour &
Taxi C.A.
Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba

Tel: 587-8850
Tel: 280-2828
Whatsapp: 592-7024

Mayoria hoben na Merca ta absteniendo di bebe, huma sigaria y huma marihuana segun encuesta



(AP) - Uso di droga den hobennan no a recupera for di e caida den e comienso di e pandemia di coronavirus, segun e resultado di un encuesta nacional grandi anual cu a keda publica diamars.

Mas o menos dos tercera parti di hobennan e aña aki a bisa cu nan no a consumi alcohol, huma marihuana of sigaria ni tampoco e-cigarette den e 30 dianan anterior. Esaki ta e proporcion mas grandi di abstinencia desde cu e encuesta anual a cuminsa midi abstinencia den 2017.

Entre muchanan den mavo, 80% a bisa cu nan no a usa ningun di e substancianan aki recientemente, marcando otro record. Entre esnan mas chikito, 90% no a usa ningun di nan, cual ta mescos cu loke a reporta den encuesta anterior.

E unico aumento significativo a tuma luga den loke ta yama 'nicotine pouch.' Mas o menos 6% di e muchanan den mavo a bisa cu nan a usa esaki den e aña anterior, cual ta un aumento di 3% den 2023.

Sea cu esaki ta e comienso di un problema di salud publico te ainda no ta cla. University of Michigan su Richard Miech, ken ta lidera e encuesta, a bisa "Ta dificil pa sa si nos ta mirando e comienso di algo of no."

Monitoring the Future, e encuesta cu financiamiento federal, tin desde aña 1975 operando. E aña aki su resultado ta basa riba respuesta di alrededor di 24,000 estudiante Mericano, cu den e sistema di educacion den e pais ta den klas 8, 10 y 12. E encuesta aki ta "un di e miho, si no e miho" fuente di data nacional pa uso di substancia den hobennan, Noah Kreski, investigador di Columbia University cu a studia uso di droga den hobennan a comenta.

AMOR BO NO POR CUMBRA

pero bo por adopta uno



Pronostico di Tempo

Tempo:

Awe tardi y awe nochi:
parcialmente nubia y
generalmente seco
Den marduga y mañan:
parcialmente nubia cu
localmente un awasero
breve

Temperatura maximo 31
grado Celsius
Temperatura minimo 25
grado Celsius
Indice di calor (heat in-
dex) den y rond di or-
anan di merdia: 32 pa 37
grado Celsius
Uv index: 8

Bahada di solo: 6:18pm
Subida di solo: 6:55am

Biento:

Moder a for di direccion
generalmente oost; forsa
3 te 4 (12 te 30 km/ora, 7
te 16 nudo)
Durante di dia basta
fuerte te
Posiblemente fuerte den
rafaga; forsa 5 te 6 (31 te
50 km/ora, 17 te 27 nudo)

Situacion general di tempo:

No ta spera cambianan
grandi den e estado di
weer durante e periodo
di pronostico aki. Spe-
cialmente durante oran-
an di marduga y mainta
por spera temporalmente
mas nubia riba e isla cu
un awasero pasahero; so-
bra di dia tempo general-
mente seco lo domina.

Condicionnan mari- timo/ estado di lama:

Na partinan protege di
costa: keto, rond di 1 pia.
Na partinan zuid: trankil
1 pa 2 pia
Na partinan oost te
noordwest di costa: gen-
eralmente modera cu
olan an alrededor di 4 pa
5 pia, localmente 6 pia.

Aurora

Royal Pray

Funeral Home & Crematory

E tabata manera solo, cu ta radia nos bida
Den scuridad nos luna cu ta ilumina bida, pa briya
y guia nos
Bo amor pa nos tur ta manera un candela forestal
Nos coriente cu semper a sa di hiba nos riba e ola
di bida.

Cu profundo tristesa pero conforme cu voluntad di
nos creador Famia Garcia ta anuncia fayecimento di
nos Mama:



Maria Yolanda Hernandez

Miho conoci como: "Landa, Nana of Nani"

*14.10.1944 | †16.12.2024

Su esposo: †Antonio Rafael Garcia [d.f.m]

Na number di su:

Mayor nan:

†Maria de la Luz Hernandez y †Antonio Rodriquez

Yiu nan:

Melvin Garcia y Silvana Vasquez

Militza Garcia y Fritz Thompson

Manera un yiu:

Jair "Buddy" Verspy, Fabiola Varela, Luis Eduardo
Varela

Nieta:

Zenzi Croes y Gixiana Vrolijk

Bisnieto:

Randell, Raevann y Raheem

Ruman nan na Venezuela:

† Hubencio Hernandez

Marcia Hernandez

† Julia Hernandez

† Liebano Hernandez

† Elio Hernandez

Maria Elena Hernandez

Jorge de Jesus "Chicho" Hernandez

Argenis Hernandez

Sobrino y Sobrina nan

Amiga nan di cas: Magriet "Nena" Croes, Blanca
Martinez, Ida "Oma" Illidge, Roselyn Tuitt, Lourdes
Maduro, Mirla Boekhoudt y Dubis Barrio.

Demas Famia: Garcia, Hernandez, Aguilar, Chacon,
Tromp, Kock, Loefstok, Dirks, Thomson, Lucas,
Dania, Illidge, Croes, Varela-Norato, Rodriquez,
Boekhoudt na Aruba, Venezuela, Spaña y Hulanda

Ta extende e invitacion demas famia, amigo y
amiga, bisiña y conoci nan p'e acto di condolencia
y despedida di nos Mama, Tanta, Bisiña y Amiga
stima cu lo tuma luga Diabierna 20 December, 2024
na Royal Funeral Home di 2:00 p.m. - 4:00 p.m.
[ta desea pa bisti color nan alegre]. Cremacion lo
tuma luga despues den ceno familiar, despensa cu
mey-mey di nos tristesa por a lubida di menciona
algun famia y conoci. Despues di e acto ceremonial
di cremacion no lo ricibi bishita na cas.

Aurora

Royal Pray

Funeral Home & Crematory

"Señor ta mi wardador,
mi'n tin falta di nada. Den
cunucu di yerba berde
e ta ponemi sosega. E ta
hibami na awa trankil, pa
mi bolbe haña forsa."
Salmo 23



Cu dolor na nos
curason, nos ta participa
fayecimento di nos ser
stima:

Florentino Mario Gei

Cariñosamente yama "Tino"

*24-09-1958 - †15-12-2024

Su mayornan: †Antonio y †Arina Gei- Figaroa

Mayornan di criansa: †Sebastian y †Sinforosa- Figaroa

Su esposa: †Sabina Gei-Croes

Su yiu nan: Mellisa Gei

Guion Gei

Su nieto: Xeron Vrolijk

Rumannan: Innocencio y †Bernadeta Gei-Gei y famia

Carolina Gei y famia

Alberto y Glenda Gei-Semeleer y famia

Teofilo y Anita Gei-Umans y famia

Nicolás y Helena Gei-Arends y famia

Fabio Gei

Maria Gei y famia

†Remigio Figaroa

†Dionisio y Juanita Figaroa-Kelly y famia

Teresita Figaroa y famia

Sua y cuñanan: Elsa y Emiterio Croes y yiu nan

Bernardo Croes

†Wim Croes

Anna Susanna Croes y yiu nan

†Francisco Croes y yiu nan

Greta Croes y yiu

Maximino Croes

†Raymundo Croes

Sobrino(a) nan: Rina Gei y famia,

Jeanette Gei y famia,

Jameson Hazel y famia

Arina Hazel y famia

Athina Hazel y famia

Albertico Gei y famia

Erwin Gei y famia

Nini Gei

Daan Gei

Cedric Gei y famia

Jessica Olivir- Gei

Marc Steenen y famia

Maghalia Steenen y famia

Jane Lacle-Figaroa

Marisella Croes-Figaroa y famia

Tanta y omonan,

Primo(a) nan y actoprino(a) nan,

Ihanan: Roosje Dirks y famia

Ghislaine Croes

Marlon Petrocchi y famia

Comer y compernan: Christina Koolman

Silvio Tromp

Su bon amigonan: Sebastian y Ludwina Petrocchi

Mama di su yiu muhe: Nivia Leest

Amigo(a) nan, bon bisiñanan y conocirnan di cas,

amistadnan di EUMAR Lock, amistadnan di e mundo di

ciclismo: WFR, BSA, CTD, Arawak,

Amistadnan di Bolas Criollas

Amistadnan di banco: CMB, Aruba Bank y Centrale

Bank

Famia: Gei, Figaroa, Croes, Geerman, Figueira, Vrolijk,

Machintosh, Haseth, Dabian, Flanegin, Willems,

Semeleer, Umans, Arends, Hazel, Oliver, Lacle,

Victoria, Franken, Kelly, Christiaans, Koolman, Tromp,

Leest, Dake, Steenen, Mauricia, Acosta, Paskel, Rivero,

Bouwman, Petrocchi

Ta invita pa acto di condolencia y despedida cual lo tuma

lugar na Royal Funeral Home diasabra 21 di december

2024 di 9'or pa 11'or di mainta.

Cremacion lo tuma lugar despues den seno familiar.

Nos disculpa si den nos tristesa nos por a lubida un of

otro famia of conoci.

"Bin cu paña colorido reflehando e alegria di e defunto".

Nos ta lamenta cu despues di entierro NO ta ricibi

bishita di condolencia na cas.

Aurora

Royal Pray

Funeral Home & Crematory

"Dios ta amor... y amor ta Dios, maske mi no
ta na e mundo aki, tur dia lo mi ta banda di
boso Curazon, mi por stens di loke Señor ta
hasi"

Salmo 33

Cu dolor na nos curason, pero agradecido
pa tur loke ela hasi y significa pa nos, nos ta
participa fayecimento di nos ser stima:



Sr. Marciano Ruiz

Cariñosamente yama "Paus"

*24-04-1933 - †16-12-2024

Acto di despedida lo wordo anuncia despues

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba

Telephone: (297) 588-6699

E-mail: info@aurorafuneralaruba.com

Lo E seka tur lágrima for di nan wowo, I
morto lo no eksisti mas: lo no tin nada di rou,
nada di yoramento, nada di dolo mas, pasobra
tur kos di antes a pasa bai.

Rev. 21:4

Nos ta anuncia fayecimento di:



Marie U. Supreme

Cariñosamente conoci como: "Mont Ersule"

*04-09-1933 †17-12-2024

Acto di entierro lo wordo anuncia despues.

E corte mas halto di Francia ta confirma condena di corrupcion di ex-presidente Nicolas Sarkozy

(AP)—E corte mas halto di Francia a confirma un decision di e corte di apelacion cu a declara Nicolas Sarkozy, ex-presidente di Francia, culpable di corrupcion y abuso di influencia mientras e tabata lider di e nacion.

Sarkozy, 69 aña, ta enfrente un sentencia di un aña di prison, pero ta anticipa cu e lo pidi pa detencion domiciliario cu un banchi electronico na su enkel, manera ta comun den sentencianan di dos aña of menos. El a ser declara culpable di corrupcion y abuso di influencia pa un corte na Paris na 2021 y despues pa un corte di apelacion na 2023, pasobra el a purba di soborna un magistrado pa haya informacion tocante un caso legal den cual e tabata involvi.

“E condenanan y sentencianan ta final,” segun un declaracion di e Corte di Casacion ayera.

Sarkozy, ken tabata presidente di Francia for di 2007 te 2012, a retira di bida publico na 2017, pero ainda ta hunga un rol influencial den e politica conservador di Francia. E tabata un di e invitadonan cu a asisti na e reapertura di Notre Dame Cathedral algun siman pasa.

Den un declaracion publica na X, Sarkozy a bisa: “Lo mi asumi mi responsabilidadnan y enfrente tur consecuencia.”

El a agrega: “Mi no tin inten-



cion di apela. Pero mi no ta dispuesto pa acepta e inhusticia profundo cu a ser cometi contra mi.”

Sarkozy a bisa cu e lo presenta su caso na e Corte Europeo di Derechonan Humano, y e ta spera cu e procedementonan lo resulta den “Francia condena.” El a reitera su “inocencia completo.”

“Mi determinacion ta completo den e caso aki como den tur otro caso,” el a conclui.

E abogado di Sarkozy, Patrice Spinosi, a bisa cu su cliente “lo cumpli” cu e decision. Esaki ta nifica cu e ex-presidente lo mester usa un banchi electronico, Spinosi a bisa.

Esaki ta a e prome biaha den historia moderno di Francia cu un ex-presidente a ser condena y sentencia pa un periodo di prison pa accionnan ilegal durante su mandato.

E presidente prome cu Sarkozy, Jacques Chirac, a ser declara culpable na 2011 pa mal uso di placa publico durante su tempo como alcalde di Paris y a haya un sentencia suspendi di dos aña di prison.

Sarkozy tabata involvi den varios otro caso legal, pero el a nenga tur acusacion di maldad.

E ta enfrente otro huicio otro

luna na Paris riba acusacionnan cu el a haya miyones di dolar di Moammar Gadhafi, e dictador di Libia, pa financia ilegalmente su campaña exitoso di 2007.

E caso di corrupcion cu a conduci na e decision di ayera tabata enfoca riba combersacionnan telefonico cu a tuma lugar na februari 2014.

E tempo ey, magistradonan investigador a habri un investigacion riba e financiamiento di e campaña presidencial di Sarkozy di 2007. Durante e investigacion, nan a descubri cu Sarkozy y su abogado, Thierry Herzog, tabata comunicando via telefon secreto registra bou di un alias “Paul Bismuth.”

Combersacionnan intercepta den e telefonnan a causa cu e fiscalnan a sospecha cu Sarkozy y Herzog a priminti trabou pa magistrado Gilbert Azibert na Monaco den un intercambio pa informa riba otro casonan legal cu tabata envolve Sarkozy. Azibert nunca a haya e trabou, y e procedementonan legal contra Sarkozy riba e caso di cual e tabata busca informacion a cera.

Sinembargo, e fiscalnan a conclui cu e propuesta mes ta constitui corrupcion segun e ley di Francia, no importa si e promesa wordo cumpli. Sarkozy a nenga vigorosamente cu e tabatin intencion malicioso den su oferta pa yuda Azibert.

Azibert y Herzog tambe a ser declara culpable den e caso.

Explorador di cueba herida ta ser rescata despues di keda pega pa 75 ora den cueba na Italia

(AP)—Un explorador di cueba herida na norte di Italia a ser rescata ayera, 75 ora despues cu el a cay mientras e tabata purbando di mapa un parti no explora di e cueba Bueno Fonteno, segun rescadadornan alpino.

E ultimo fase di e operacion di rescate a bay mas suave di loke tabata anticipa, y e victima di



32 aña, Ottavia Piana, cu tabata mara na un stretcher, a alcanza e boca di e cueba den ora di marduga. Esaki ta su di dos biaha den 17 luna cu el a ser rescata di e cueba cerca di Lago d’Iseo, na noreste di Bergamo.

Piana a sufri di varios fractura, incluyendo riba su cara, ribchi, y rudia, ora el a cay 5 meter mientras e tabata explora un parti no mapa di e cueba di asabra, segun dokter. E cueba Bueno Fonteno ta localisa mas o menos 500 meter bou di tera, cu e area mapa alcansando cerca di 19 kilometer.

Pa pasa door di e parti smal y no mapa di e cueba tabata specialmente ansioso. Video a mostra e victima lora den klечи y mara riba un stretcher

mientras el a ser carg’a via gangnan estrecho pa un otro grupo di rescadadornan cu helmet, incluyendo dokter y enfermeronan cu tabata traha riba turno. Nan tabata para cada 90 minuut pa evalua su condicion.

Dialuna atardi, nan a yega na e tunnel principal, y e ultimo biahe a bay mas lihe di loke nan a anticipa, y nan a yega al menos 12 ora prome cu loke tabata anticipa.

Casi 160 tecnico di 13 region di Italia a yuda den e rescate cu a dura dia y nochi, y cu a cuminsa mey anochi diasabra despues cu nan a ser alerta pa miembro di Piana su equipo cu e tabata herida y pega profundo den e tunnel.

*Mi no a muri.
Ta p’esey mi no a bisa ayo.
Mi a djis habri mi halanan
y bula bay keiro.
Boso a keda atras.
No laga tristesa domina boso.
Keda uni un cu otro pa mi
alma, esey lo ta un alegria.
Recorda mi cu hopi amor.*



Cu dolor na nos curason pero conforme cu boluntad di Dios, nos ta anuncia fayecimento di nos Mama, Wela, Ruman, Tanta y Prima stima:

Trina Magalie Laclé-Maduro

Cariñosamente yama: “Mai”

*13 September 1959 - †15 December 2024



Na nomber di su:

Esposo: †Glenn Esmero Laclé

Yuinan:

Annuard Laclé

Thierry Laclé y Leonella Flanegin

Nieto(a)nan:

Desyn

Jase

Lyanne

Tyrese

Mayornan:

†Emiliano ‘Chalan’ Maduro y †Fransisca ‘Mamato’ Peasch-Maduro

Rumannan:

†Venancio ‘Boei’ Maduro

†Ronald ‘Roly’ Maduro

Carmen Maduro

Swinda Maduro

Greta y Freddy Dijkhoff-Maduro

Suegro y suegra:

†Juan ‘Papa’ Ovid y Natividad ‘Sira’ Laclé-Oduber

Swa y Cuñanan:

Frida y Glynn Morgan

†Ronnie Laclé y Marie Pierre Laclé-Fénart

†Adolf y Vivecca Laclé-Chirino

Johnny y Dilaila Laclé-Harms

†Mena Laclé

Rafael y Vera Laclé-Gomez

†Ethlyne Laclé

Dennis Laclé

Mary Laclé

Steve y Odalis Laclé-Lopez

Sobrino(a)nan:

Marcia, Geoffrey, Marnee, Michel, Javier, Venancio, Shaila, Yuraima,

Danny, Myron, Tyron, Ryon.

Shairah, Edjean, Sennet, Gilleanne, Jurgen, Sophia, Xanron, Joshue,

Daynie, Daleen, Aiden y nan famia.

†Dave, Esmee, Paco, Marice, Mark, Levi, Alvin, Ewald, Oswald,

Joanaila, Ralph, Melissa, Zulaika, Milouska, Franchesca, Marilynn,

Odille, Odina y nan famia.

Iha stima: Shairah Solognier, Reuben y Cairo.

Dr Daniel Sanabria Serano, Instituto de Cancer Carlos Ardilla Lulle, Fundacion

Santa Fe Bogota.

Wilhelmina Kanker fonds, Sra Lola, Sra Evy, Dr Gonzales.

Gradecimento grandi ta bai pa: Swinda, Carmen, Greta, Shaila y

Leonella pa nan sacrificio.

Danki na Yuraima, Danny, Andrea, Myron, Tyron, Ryon, Freddy sin lubida famia Laclé pa semper ta dispuesto pa duna un man.

Elvia Boezem, Maureen Romero, Greg & Indra Ras, Patrick Lejuez, Dr Cayama, Ursula Brown, Edison Briesen, Jean Pierre Fang & JADS family, Kenny Meijers & Office Family, Clint Solognier, Mildred Flanegin, Hendrik Peters, Ray Violenus, The BOYS y na tur cu a juda y aporta na nos causa di un of otro forma pa juda nos querida mama su salud.

Nos ta hopi agradecido. ONE LOVE

Su tanta, omo nan, primo y primanan, amigonan, amiganan, conociernan, su bisinja nan y ex colega nan WEB, DTI, SMOA, Seahatch, Bloedbank, Stichting Avond Havo Aruba.

Ta invita tur famianan, bisijnanan, amiga(o)nan y conociernan pa asisti na e acto di Entiero cual lo tuma lugar Diabierna, 20 di December 2024 for di 9’or pa 11’or di mainta na Misa Santa Theresita na San Nicolas.

Despues nos lo hiba nos defunto stima na su ultimo lugar di sosiego na Santana Catolico na Paradera.

Nos disculpa si den nos tristesa nos por a lubida di menciona algun miembro di famia of conocir.

Nos ta lamenta cu despues di entiero nos no ta ricibi bishita di condolencia na cas.

Staff y Personal di Ad Patres Funeral Home & Crematorium ta extendende nos mas profundo condolencia na famia di e fayecida.

OLIVE TREE

"Tur cos aki na mundo tin su ora y su tempo,
Ora pa nace y ora pa muri, ora pa yora y ora pa hari,
Ora pa keda keto y ora pa papia, ora pa stima y ora pa odia,
Ora pa guera y ora pa paz"
Predicador 3:1,2,4,7,8

Cu honda pena pero conforme cu Dios su boluntad nos ta
anuncia cu a bay sosega den brasa di Señor, Nos Tata, Suegro,
Welo, Bisa-welo, Ruman y Omo stima:



Enrique Simplicio Werleman

Mihor conoci como "Heriki", "Jerry", "Papa Riki", "Opa",
"Mo Heriki".

*02-03-1934 - +14-12-2024

Su dicho di tur dia "Danki Dios cu nos ta na bida"

Na number di su: +Esposa Lucila Werleman-Solognier

Yiunan: Oscar y Maritza Werleman-Lampe
Elvira y Nici Ridderstap-Werleman
Junior Arends y Aliyuri Granda Navarro
Natasha Werleman
Jose Arends

Mama di su yiunan Junior y Jose, Teresita Arends

Nieto- y nietanan stima: Jarzihno y Juliana Werleman-
Cardona Benavides, Sue Ann Werleman, Bryan y Iris
Ridderstap, Aldwin Ridderstap, Darryl y Bente Ridderstap-
Hillebrand, Christy Ridderstap, Jaim Jo Arends, Nathan
Yrausquin, Zaretta Yrausquin

Bisanieto(a)nan: Juancho, Willem, Shayna, Alysha, Kyra,
Sahraya, Joshua, Yael, Joanne, Jamaro, Yaela, Evy, Chloë, Jake,
Logan

Su Rumanan: +Crescencia y +Celedonio Bello-Werleman y
famia, +Carlito y +Sofia Werleman-Russel y famia, + Placida
y +Beto Kock-Werleman y famia, +Maxima y +Bernard
Kelly-Werleman y famia, +Jacinto Werleman y famia, +Pablo
y Candida Werleman-Vrolijk, +Esteban Werleman y famia
USA, Bruno y +Pina Werleman-Winterdaal y famia na
Hulanda, Emerald y +Apolonia Werleman-Gomes y famia,
Juan y +Eulalia Werleman-Geerman y famia, +Raymundo
Werleman, Jacobo y +Sarita Werleman-Petrochi y famia,
Regina y Daniel Feliz-Erasmus y famia

Swa y Cuñanan: +Fanfa y Regina Solognier-Kock y famia,
+Chelito y Aida Solognier-Ruiz y famia,
Mito y Esther Solognier-Frans y famia, Tenchi Solognier, Bani
y Cerilia Solognier-Boekhoudt y famia,
Palmira y +Nicky Kock-Solognier y famia, Frida y Carlos
Croes-Solognier y famia

Tur su Primo(a)-, Sobrino(a)-, Iha-, Bon Bisiñanan Dennis
y Jasmin Rasmijn, Famia Da Silva, Ex Coleganan di Taxi, SV
Universal y Famia di MEP.

Demas famia: Werleman, Solognier, Geerman, Lampe,
Ridderstap, Arends, Granda Navarro, Yrausquin, Cordoba-
Benavides, Hillebrand, Danje, Bello, Kock, Russel, Kelly,
Vrolijk, Winterdaal, Feliz, Ruiz, Erasmus, Frans, Boekhoudt,
Croes, Maduro, Lopez, Koolman, Curiël, Mora, Tromp y
Rasmijn, Suarez.

Dia y Adres di condolencia:

Diabierna 20 di december, 2024 na Olive Tree Funeral Care &
Crematory na Piedra Plat di 7'or pa 9'or di anochi.

Ta invita tur famia, amistadnan y demas conocirnan pa asisti
na **acto di despedida** cual lo tuma lugar **diasabra 21 di
december, 2024**. For di 1'or pa 4'or di atardi "Enrique" lo
ta reposa na Olive Tree Funeral Care & Crematory na Piedra
Plat.

Nos ta lamenta cu despues di entiero no por ricibi condolencia
na cas.

Nos ta pidi disculpa si den nos tristeza nos por a lubida un of
mas famia.

Edificio di parlamento na Liberia ta pega na candela mientras manifestacionnan anti-gobierno ta drenta su di dos dia

(AP) — **Servicionan di
emergencia na Liberia ta-
bata combati un candela
na e edificio di parlamento
ayera, cu a surgi mientras
cu manifestacionnan di
oposicion a continua pa
un di dos dia.**

Autoridadnan no a confirma
di inmediato e causa di e can-
dela den e capital, Monrovia.
Presidente Joseph Boakai, ken
a bishita e sitio y a ordena un
investigacion di e incidente, a
condena e "destruccion innec-
esario den e pais."

E protestanan ta ser organisa
contra movidanen pa kita e
presidente di parlamento, ken
ta enfrente acusacionnan di
corupcion. E manifestantenan
tambe ta pidi pa e presidente
renuncia.

Diamars polis a detene decenas
di manifestante y a usa gas lac-
rimogeno pa plama nan.



Esaki ta e di dos biaha den un
siman cu e edificio di parla-
mento ta pega candela, aunke
no tin indicacion cu e inciden-
tenan ta conecta. Reporteronan
local ta bisa cu polis a detene
algun sospechosonan cu tabata
den e area ora cu e ultimo can-
dela a cuminsa.

E protestanan a surgi despues
di lunanan di tension riba si
Konati Koffa, presidente di e

Cas di Representantenan di
Liberia y ken ta un miembro
di partido di oposicion, lo ser
kita di su puesto pa supuesto
practicanan corrupto.

E ley di Liberia ta stipula cu e
presidente por ser kita pa un
mayoria di dos tercera parti di
e Cas. Pero sin e sosten neces-
ario pa esey, e parlamento ta ser
blokea y e gobierno no a por
aproba e presupuesto anual.

Mauritius kier reconsidera un acuerdo cu Reino Uni tocante e islanan remoto ubicando un base clave di Merca

(AP)—**E gobierno Britanico
a bisa ayera cu e mes tin plan
pa entrega un archipelago
disputa den e Oceano Indico,
cual ta un centro strategico
pa un base militar, back na
Mauritius, despues cu e lider
nobo di e nacion a recon-
sidera e acuerdo polemico.**

Reino Uni y Mauritius a anun-
cia un acuerdo na october pa
transferi soberania di e Islanan
Chagos, un cadena di mas di
60 isla abou di e equator cerca
di e punta di India. Bou di e
acuerdo, e base naval y bomber
di Reino Uni y Merca riba e
isla mas grandi, Diego Garcia,
lo keda bou control di Reino
Uni pa al menos 99 aña.

Ora cu el a anuncia esaki, e
gobierno di e Partido Lab-
oral di Reino Uni a bisa cu e
ta finalizando e detayenan di
un tratado cu e gobierno di
Mauritius. Desde e tempo ey,
votadornan na Mauritius a cam-
bia gobierno, reemplasando e
gobierno pa uno lidera pa prome
minister Navin Ramgoolam.
Ramgoolam a bisa cu e ta habri
negociacionnan nobo pasobra
e acuerdo preliminar "no lo
produci e beneficienan cu e
nacion por spera for di un tal
acuerdo." El a bisa den parla-
mento di Mauritius diamars cu
su gobierno "ainda ta dispuesto
pa conclui un acuerdo cu Re-

ino Uni" y a entrega contra-
propuestanan.

Stephen Doughty, minister di
e oficina di Asunto Exterior
di Reino Uni, a bisa cu e tin
confianza cu e acuerdo lo ser
finalisa, y cu ta "completamente
comprendible cu e gobierno
nobo di Mauritius kier tempo
pa studia e detayenan."

"Mi tin confianza cu nos a logra
un acuerdo bon y husto cu ta
den interes di ambos partido,"
el a bisa den e House of Com-
mons. "E ta protege e base na un
costo proporcional. E acuerdo
ta sosteni den e arkitectura di
seguridad nacional di Merca
como tambe India."

E oposicion di e Partido Con-
servador den Reino Uni a acusa
e gobierno di rende soberania
riba un teritorio Britanico.

E acuerdo a ser celebra pa presi-
dente di Merca Joe Biden como
un "acuerdo historico" cu ta
protege e futuro di e base Diego
Garcia. Pero apoyantenan di e
ex-presidente Donald Trump
a critica e acuerdo.

E parlamentario Britanico Nigel
Farage, un aliado di Trump, a
bisa cu "tin un preocupacion"
entre e oficialnan di e proximo
administracion di Trump "rela-
ciona na kico esaki por significa

pa e futuro di Diego Garcia den
largo plazo."

Un di e ultimo rastronan di
e Imperio Britanico, e Islanan
Chagos ta bou di control Bri-
tanico desde 1814. Reino Uni
a evacua mas o menos 2,000
persona di e islanan durante
añanan 1960 y 1970 pa e milicia
di Merca por construi e base
Diego Garcia, cual a sostene
operacionnan militar di Merca
den Vietnam, Iraq y Afghanistan.
Na 2008, Merca a reconoce cu
e base tambe a ser usa pa vue-
lonan di rendicion clandestino
di sospechosonan di terrorismo.

Merca a describi e base, cual
ta hogar di mas o menos 2,500
personal mayormente Mericano,
como "un plataforma cu ta casi
indispensable" pa operacionnan
di seguridad den Medio Oriente,
Sur Asia y Africa Oriental.

E Chagossianonan evacua a
lucha sin exito den cortenan
di Reino Uni durante hopi aña
pa nan derecho pa bolbe na nan
isla natal. Bou di e acuerdo, nan
y nan descendientenan por ser
permiti pa bolbe na e islanan,
menos Diego Garcia.

Mauritius, cu ta situa den e parti
este di Madagascar, ta mas o
menos 2,100 kilometer suroeste
di e Islanan Chagos.

Tata na Utah sospecha di a mata su casa, 3 yiunan, herida un yiu homber y mata su mes

(AP) - 5 persona a ser haya morto den un cas na Utah despues cu un homber aparentemente a los tiro riba su casa y 4 yiunan prome cu el a mata su mes, polis a informa diaranson. Un mucha homber di 17 aña a sobrevivi pero tin herida severo den su cerebro.

Polis ta kere cu e tiroteo den e cas na Salt Lake City a sucede durante e fin di siman. E victimanan no a ser haya te cu diamars ora cu un familiar cu no por a contacta e famia a bay paden.

E muhe a haya e hoben herida den e garashi. E oficialnan cua yega despues a haya e mama di 38 aña, dos yiu muhe di 9 y 2 aña morto den e di dos piso riba e mesun cama. Un mucha homber di



11 aña a ser haya morto den sala cu e tata. Un arma di candela di e tipo 'handgun' haya bao e di e homber di 42 aña a causa cu polis ta sospecha cu e ta e persona cu a comete e asesinatonan.

Investigadornan ta kere cu e hoben cu a sobrevivi a yega e garashi despues di a ricibi tiro otro caminda den e cas.

"E tata probablemente a los tiro contra henter e famia y despues contra su mes," West Valley City Polcie Department su vocero Roxeanne Vainuku a bisa na un conferencia di prensa.

E bisiñanan no a reporta ningun tiro durante e fin di siman. Tampoco tabatin reportahe di ningun violencia



domestico of otro estorbo tocante e famia. Te cu awo, tampoco no tin nota ni evidencia cu ta señala na un causa pa esaki.

"E ta ciertamente dificil pa nos comunidad por comprende," el a expresa.

E familiar a contacta polis di-aluna anochi pa motibo cu e

no pro a yega na e mama pa varios dia, apesar di tin un contacto regular cune. Oficialnan a wak door di bentana y papia cu bisiñanan pero no a haya ningun tipo di indicacion di un emergencia of crimen y pues a pidi e familiar pa mantene den contacto. Despues cu e mama no a presenta na trabao diamars, e familiar a drenta e cas.

'Murder hornet' invasivo ta completamente elimina na Merca segun oficialnan

(AP) - E avispa mas grandi na mundo, un especie invasivo cu a duna e nomber "murder hornet" (maribomba asesino), pa su picadura peligroso y habilidad di mata un neishi di abeha den cuestion di ora, a ser declara eradica na Merca, 5 aña despues di a ser mira pa prome biaha na Washington State cerca di e frontera cu Canada.

Washington y U.S Department of Agriculture a anuncia e eliminacion completo diaranson, bisando cu no tin detencion di e maribomba aki na Washington desde aña 2021.

E noticia aki a representa un exito enorme cu a inclui e residentenan aceptando pone trampa riba nan propiedad y reporta cualkier biaha cu nan mira nan, a ademas di e investigadornan capturando un

maribomba di e especie aki bibo, pega un radio chikito riba dje y permiti esaki bay un neishi.

Cientificonan a destrui e neishi net ora cu un cantidad di reina tabata naciendo, segun e oficialnan a bisa.

"Mi tin cu bisabo, como un entomologo - mi tin 25 aña ta haci esaki, y ta un dia poco comun ora cu ser humano ta logra gana e insectonan," sven Spichiger, manager di programa di peste di Washington State Department of Agricultura a comparti durante un conferencia di prensa virtual.

E maribomba, cual por crece te 5cm largo y tabata anteriormente yama Asian Giant Hornets, a ricibi atencion den 203 ora cu 42 persona a fayece na China y 1,675 a keda seriamente herida. Y na Merca, 72 persona den un



aña ta fayece a causa di pica di abeha y maribomba pa aña, segun data di National Institutes of Health.

Nan a ser detecta prome na Norte America den augustus

di 2019 y confirma na Washington State den december di 2019, ora cu un residente di Whatcom County a reporta esaki.

Un persona cu ta cria abeha

tambe a reporta cu su neishinan tabata ser ataca y a entrega curpa di e maribombanan den 2020.

E maribombanan aki probablemente a yega Norte America den pochinan di mata of container di carga segun expertonan.

Evidencia di DNA ta sugeri cu e poblacionnan haya na British Columbia y Wahsington no ta relaciona cu esaki y aparentemente ta origina for di diferente pais.

Tambe no tin reportahe confirma di a mira e maribombanan aki den British Columbia desde 2021 y e fundacion Invasive species Centre na Canada a bisa cu e maribomba tambe ta considera eradica na e pais.



BLACK FRIDAY

RELOADED



**BUY NOW,
PAY US LATER**



569-2407 AMC EAGLE MEGASTORE
568-9070 AMC SAN NICOLAAS

HORARIO: 9AM - 6PM
DIALUNA PA DIASABRA

